



精選分註當代名公啟牘現函卷之二

春穀 許以忠 君信甫 彙編

古繁 虞邦譽 茂實甫 叅註

定遠 徐 榛 邊實甫 閱次

新安 吳明郊 于野甫 增訂

繡谷 王世茂 爾培甫 校正

金陵 王鳳翔 寵之甫 精梓

通候

上張洪陽相公

聶良杞

伏以彤陛宣諭。特簡調元之寄。黃樞論道。允符交泰之期。中外岩瞻。遐邇冠慶。恭惟相公閣下。受天間氣。為世端人。文章為百代宗。工道德乃諸儒領袖。帝眷名碩。常聞仁義之敷。陳人望風。歆六欽蹇。諤之節槩。爰從家食之日。召司機務之衡。惟人情較之。夢卜為賢。知聖主加與。臣民更始。此寔衍靈長之景運。何止振梓里之式微。某猥以踈庸。夙慙攀附。守官無效。已其分于丘園。學道未能。徒勤思乎朝夕。願言太平之世。竭力耕桑。欣逢喜起之辰。咏

歌堯舜。敬走一介。用怖寸忱。倘蒙照臨。倍有榮幸。

岩瞻詩節彼南山。維石巖巖。赫赫師尹。民具爾瞻。宗工王荆公詩。宗工四海瞻。領袖晉裴

秀八歲能屬文人語。曰後進領袖有裴秀。又魏舒文帝器重之。曰魏舒堂堂人之領袖。後遷宜

陽榮陽二郡太守。甚有聲稱。蹇諤易王臣蹇蹇。匪躬之故。史記千人之諾諾。不如一士之諤諤。又趙簡子曰。大夫立朝。徒聞唯唯。唯子不聞周

舍之蹇蹇。諤諤盡規。人情夢卜。宋仁宗用富弼等為相。人情鼓舞。帝曰。人情賢于夢卜。太平世。食貨志。三年食進業。曰登再登。曰平三登。

曰太平。北史積儲九稔。謂之太平。劉向傳。決斷狐疑。分別猶豫。使是非炳然。可知則百異消滅。而眾祥並至。太平之基。萬世之利也。喜起尚

書股肱喜哉。元首起哉。百工熙哉。

候賀葉相公啟  
吳明郊

伏以啓沃德隆丕揚二十四考之宏烈明良會際  
備膺九五福之洪疇華夷誦美于無疆柱石具瞻  
于有赫恭惟老師臺下商巖叶夢閩海涵靈虎苑  
談經近傍中台瑞靄鸞坡視草直騰東壁靈光鼎  
調日月之間履曳星辰之上握璣衡而功高旋轉  
作舟作楫濟時艱補衮職而道契弼諧式金式玉  
昭王度恩隆三錫雲聯赤舄喜輝煌曆佐萬年日  
麗黃扉添錦繡泰符顯象國典增華槐階位極下  
臣隣駕軼周朝旦奭竹帛名傳于今古步聯虞世

棊夔宗社仔肩寰區加額某極慙陋品深荷殊恩  
大治咸鎔欣出門牆之士太平可樂願爲丘壑之  
珉身同草木以隨陽心效藿葵而就日仰隔五雲  
依鳳閣恭馳一楨賀鴻禧伏願代際文明燮理永  
調于玉燭時當燕喜歡呼遙遍于珠崖曷旣揄揚  
實深踴躍

啟沃尚書朝夕納誨以輔台德啟乃心沃乃心  
鑾坡視草續翰林志唐德宗移學士院與金鑾  
殿相接故學士院號金鑾淮南王傳召司馬相  
如等視草乃遣翰林志學士于禁中草書詔雖  
宸翰所揮亦資檢校謂之視草東壁天文志  
東壁二星主文籍天下圖書之府張說詩東壁



賀詞未伸其華祝誠寔切於葵傾薄陳不腆之儀  
用效未將之敬仰祈盼炤俯賜麾涵謹啟

揆路文選

揆路揚輝台庭改觀

帝者師漢張

良遇圯上老人授一編曰讀此可為帝者師

任天下重宋范仲淹字希文秀才時即以天下

為已任仁宗朝出將入相多社稷功謚文正

熙載天工尚書有能奮庸熙帝之載又天工人

其代之又惟時亮天下

小心翼翼詩維此文

主小心翼翼

旂常尚書厥有成績紀于太常

之旂又周禮日月為常蛟龍為旂馬融傳載日

月之太常注太常天子所建大旂畫之日月續

志太常十三旂九仞曳地日月升龍象天明也

金閨杜詩謬通金閨籍吳融詩偶持麟筆侍金

閨不腆左傳不腆敝邑之禮

又有不腆之田

不腆左傳

不腆敝邑之禮

又有不腆之田

又有不腆之田

又有不腆之田

又有不腆之田

又有不腆之田

又有不腆之田

上葉相公

吳明郊

伏以國正天心。爽理允調。于玉燭望隆。汝翼光華。

長繞于金鑿川。瀆效靈廟堂。襲祉恭惟。相公閣下。

道備師模。夢膺帝賚。虹流華渚。運氣鍾五百之期。

雲兆蓬萊。禮樂魁三千之儁。作舌喉而代言。北斗。

上星辰而曳履。南宮麗日。轉槐階。吉應飛熊之啓。

卜台光聯黼辰。會符風虎之奇逢。措天地以成平。

姬召並勅。乎周曆欣明。良而喜起。皋陶賡詠于虞。

廷凡屬帡幪。俱為踴躍。某 賁慚駑蹇。庇籍鴻庥。執

簡內留。愧未飛霜于柱下。膺綸外遣。心塵望日于  
都中。曷任傾葵有懷。獻楮伏願。福如川至。道與時  
亨。啓德沃心。函夏均沾。乎霖雨。捐頂舉踵。始終悉  
賴于栽培。

汝翼尚書予欲左右有民汝翼  
位設黼展注黼斧也天子坐則黼展在後如背  
負之也黼展制如屏風畫斧而無柄設而不用  
取金斧斷割之義  
霖雨尚書若大旱用汝作  
霖雨  
集卯翼不自於他門頂踵實非其已物劉賓客  
集摩頂至踵  
豈足上訓

候南吏部衛尚書啓

許以忠

伏以居尊北斗。旨當喉舌之司。坐鎮南都。掌握冠  
裳之柄。丕著新猷。而振彩益。令舊屬以騰。懽恭。惟  
台臺靈儲。七曜才出。三巴倒峽。詞源迅掃。錦江之  
浪。立朝氣節。輝揚玉疊之雲。廷推東序。以榮登帝  
簡。南銓而總攬。百官歸朗鑑。賢奸畢照。而難截萬  
國。頌持衡黜陟。平施而不爽。門前偏撤棘。自無暮  
夜。叩闈李下。且無蹊。何有翰書盈閣。正茅茹彙征  
之會。真天地交泰之期。某一介孤踪。十年遠念。雖

舉頭日近有懷恍見龍光。柰極目雲遮無自親瞻。鳳彩值秋闈之從事。謬屬提衡當盛典之告成。榮賚試錄謹庀荒函而附候。統惟台鑒以優容。臨發曷切瞻企之至。

三巴十道志渝州巴縣并巴東西是為三巴。水經注劉璋分三巴今綿州曰巴西歸州曰巴東夔州曰中巴三巴記閬水東西流三折如巴字故曰三巴。杜詩中巴之中巴東山又疏鑿控三巴。倒峽杜詩詞源倒流三峽水地輿志巫山與翟唐峽歸峽世稱三峽連亘七百里重巖疊嶂隱蔽天日非亭午夜分不見日月。水經云杜宇所鑿水極衝激上下艱之。玉壘山名在蜀灌縣前水出此郭璞江賦玉壘作東別之標也。黠陟尚書三載考績三考黠陟幽明。李

下無蹊李廣口不能道辭及死之日知與不知皆為盡哀故諺曰桃李不言下自成蹊謂桃李但以華實感物人不期而往下自成蹊徑也。舉頭日近寇準登華山詩舉頭紅日近。候戶部鄭尚書啓。許以忠。

伏以星浪趨紫禁風高曳履之聲。旦莫捧黃扉。即拜卜甌之命計安杜稷慶集華夷恭惟台臺三朝元老九鼎殊勳出塵不染之襟懷澄清湘水振衣獨立之氣象高壓衡山南北揚芳聖明垂寵簡承天命權總地曹坐鎮龍蟠虎踞之畿樽節馬齒犬牙之制憂杼軸正空於今日一腔獨有葵心欲脂。



膏漸實於斯民。萬姓都無菜色。真內順外威之民。  
尤經文緯武之機。蓋宰相領度支。原為餘緒。則皇  
朝求輔弼。即渙溫綸。某部曲編氓。徼荒俗吏。塵蹤  
麾越海。自慚弱質。棲遲台宿。映并州。幸竊餘光照  
耀。積忱欲展。祇憑削竹。以書懷。闔禁夙嚴。不敢采  
芘。而侑東。統祈鑒宥。殊慰瞻依。

九鼎史記毛先生一至楚而使趙重于九鼎大  
宮。龍蟠虎踞吳。劉倫使諸葛亮至京因登  
秣陵山阜乃歎曰。山龍蟠石頭虎踞帝王之  
宅也。李詩地即帝宅以為龍虎盤。又龍盤虎  
踞帝王州。天子弟地  
犬牙相制所謂弩  
之宗也。菜色禮記三年

耕必有一年食九年耕必有二年食以二十一年之通  
雖有荒溢民無菜色。然后天子食日舉以樂

候留都工部丁老先生啟 代 陸德龍

伏以日麗朱明。瑞氣長浮於畫省。星懸白下。清光  
遙燭乎玄霄。飲河在昔。殊深仰斗。於今更切。五雲  
凝睇。尺素緘忱。恭惟臺下。龍德應期。鳳毛瑞世。青  
源毓秀。寸衷滙百代斯文。碧海搏風。一擊破千層  
巨浪。雅望夙高於蘭省。雄才早試於花城。襄國琴  
清。五載跨龔龔黃之績。留都地重。一人軫豐鎬之原。  
特籍名賢。用光起部。雲生鍾阜。甫看工度之修。天

幸蕪閔尋昇權江之寄水聲峻起在水國咸頌風  
清閩澤旁流即山邑竝蒙河潤猥如下走久荷龐  
仁驚沂海之無垠片航借濟觀巡蘆之特簡莖草  
知春爰肅蕪函僭鳴荒悃惟祈星炤更祝天申燁  
燁芳聞早聽聲傳曳履巍巍寵眷佇看望炳持衡  
俾鳳闕得人益著調鉉之偉烈則龍門爲御彌沾  
在省之洪慈俯鑿寅悰仰干丙鑒

飲河在子偃鼠飲河不過滿腹 尺素陸機文  
賦涵綿邈于尺素 祿讓復王哀書蒼雁雁  
時傳尺素清風明月俱寄相思李詩手把尺素  
書如天落雲錦 龍德唐沈佺期詩龍德先天

天不違易龍德而正中者也破巨浪宗慤少  
有大志叔父炳問其志答曰願乘長風破萬里  
巨浪鍾皇鍾山也漢秣陵尉蔣子文逐盜歾  
此吳封蔣侯立廟孫權避祖諱因改蔣山阮孝  
緒毋疾藥須生人後舊傳鍾山產編歷幽險不  
得忽一鹿前導至則得之 水聲薛逢畫飲水  
廟操食蘗苦心白樂天集飲水復食蘗東坡詩  
十年水蘗戰膏梁温庭筠啟水蘗自居膏梁不  
染 天申詩崧高維嶽峻極于天降神生甫反  
中 鳳闕伏羲時鳳巢阿閣今城闕稱鳳本此  
又建章宮闕高二十餘丈士有銅鳳  
鳳故名鳳闕四都賦設壁門之鳳闕

候工部丁侍郎啟

吳明郊

伏以冬曹展彩班聯八座之尊南國宣猷權總百  
工之典新聲丕著舊雅增輝恭惟台臺清標映世

正色立朝叶闡闔以排雲久聽朝陽之鳳攬綱維  
而補日再飛渭水之熊元勛無踰仲卿峻秩獨隆  
起部望崇九鼎咨疇允若乎予工位近三台納牖  
進熙於帝載肇畫度貞玄武經營福造蒼生蓋松  
夢已靈應十八年之公輔將竹書不朽紀億萬世  
之勛名其夙受殊知自慙踈節憶昔分藩仙里萬  
家蒙覆露之恩幸今守郡皇都千里切瞻雲之念  
惟執掌初叢而旁午柰私衷未獲以上申典試秋  
闡謬屬提衡之後告成場事當呈入彀之書謹庀

一函附申九頓伏乞鑒炤寔切銘啣

八座蔡謨傳八座之任非賢莫居唐六典後漢以令僕射六曹尚書為八座魏氏省為五曹則僕射有二若僕射省一則尚書有六今以二丞相六尚書為八座陳壽魏志評八座尚書即古六卿之任  
閻闔排雲韓詩排雲叫閻闔司馬相如大人賦排閻闔而入帝居  
朝陽鳳唐高宗時自韓瑗褚遂良苑內外以言為諱高宗造奉天宮李善感始上書極言之時人喜之謂之鳳鳴朝陽  
允若予工尚書疇若予工  
嚴助傳陛下垂德惠以覆露之  
是錯傳覆露萬  
民注覆蔭也露膏澤也  
鞅掌詩王事鞅掌注  
鞅荷也掌捧之也負荷捧持以趨走言促遽也  
一曰鞅掌失容貌詩疏煩勞狀鄭云鞅如馬鞅  
之鞅掌以手拘物詩補傳鞅掌皆所以拘物謂  
王事所拘北山移文抗塵容而走俗狀  
旁午者縱橫割也劉宴云邀請旁午注割肉縱

橫以請喻事  
機之叢勝

候程禮部啟

吳明郊

伏以南宮典禮九重嘉寅亮之勳東海守疆三載  
乏循良之績瓜期已及竹素端申恭惟台臺伊周  
相度願顥家聲白嶽誕神正直吐乾坤之氣紫陽  
傳道精微寃洙泗之源才華潤色皇猷功業流芳  
仕籍爰自花封而懋績遂從蘭省以升華宗伯權  
尊曾攝圖書于秘府穆清地密宜陪法從于甘泉  
陋漢世之奉常羞稱綿葛倣唐安之華選朕典宣

麻具稱班馬之文行接燕龍之武其挈瓶智短治  
郡才踈桔樞覺五技都窮荏苒忽三年已滿眼前  
無善狀難追素餐天上有故人自加青盼倘微再  
造曲俾瓦全寔戴榮施當圖瓊報由允久疏馳候  
瞻光附問興居不盡長懷統惟台鑒

瓜期左傳齊侯使連稱管至父戍葵丘瓜時而  
往及瓜而代荀濟詩瓜時猶未還願顥宋程  
顥字伯淳洛陽人資性過人克養有道從遊者  
雖歲久未見其忿厲之容聞汝南周敦頤論學  
遂厭科舉之習慨然求道元豐八年召為宗正  
寺丞未至卒門人稱明道先生弟頤字正叔司  
馬光薦其力學好古不樂仕進乃儒家之高蹈  
聖世之逸民召拜崇政殿說書文彥博曰真侍

講也世稱伊川先生百嶽山名在休寧即今  
齊雲巖也上有天門石室珠簾泉香爐峯皆靈  
境也昔人云此爲小武當陪從甘泉漢楊雄  
嘗侍從于甘泉作甘泉賦又楊雄傳每上甘泉  
法從楊億乞郡表虛忝甘泉之從臣終作若敖  
之餒鬼綿葛孫叔通采古禮與秦儀雜就爲  
綿葛野外習之注綿謂置設絮索爲習肄處葛  
以茅剪植于地爲纂位崇卑之次說文朝會束  
茅表位曰葛五技荀子梧鼠五技而窮注梧  
鼠當爲鼯鼠五技謂能飛不能上屋能緣不能  
窮木能游不能渡谷能穴不能掩身能走不能先人  
顏氏家訓多能少善不如執一鼯鼠五能不成技  
術素餐詩不素餐今刺無功也貢禹傳素餐  
尸祿洿朝之臣朱雲傳無以益民皆尸位素餐

候徐銓部啟

吳明郊

伏以銓署稱平海內衣冠欣際會芝門衍慶山中  
讀禮動遐思謹濡削乎亦三敬起居乎燕寢恭惟  
台臺臨風王樹映日金莖種協石麟生應雲中之  
錫才高繡帟詞蜚洛下之聲杏苑飄香花封奏最  
歡騰匝地榮登曳履崇班位正彌天咸羨持衡重  
望甄別而心孚百辟金鏡旌明寅亮而德輔九重  
玉鉉宣化正擬坐登槐棘詎期岳隕靈椿高門白  
兔以呈祥暫借移忠爲孝寶關紫鸞而寵召佇看

聖主得賢萬國觀光。八絃引領。某自分俗負謬司。僊邑傾耳聆指南之教。益庶毋獲戾地方。提躬免敗北之羞。慚全仗邀靈斗極。素銘肺腑。更辱齒牙。佇睇江東。徒仰停雲。而遡想遙。從天未惟思披霧。以舒忱莫既揄揚。統祈獎鑒。

芝門後漢蔡邕居親喪有紫芝產于門臨風

玉樹杜欽中八仙歌宗之瀟灑美少年皎如玉

樹臨風前石麟南史徐陵生僧寶誌摩其頂

曰天上石麒麟也金鏡選舉志唐高季輔為

吏部侍郎凡所銓綜時彌允愜太宗錫金背鏡

一而以表清鑒焉白兔呈祥勅學記後漢蔡邕

邕居親之喪廬于墓常有白兔馴繞墓側

主得賢漢王褒作聖主得賢臣頌八絃楊雄

伏列未象

傳燭六合耀八絃注八維八方之綱維也淮南

子東北方之絃曰和土曰荒丘東方之絃曰棘

林曰桑野東南之絃曰大窮曰泉安南方之絃

曰都廣曰及戶西南方之絃曰金丘曰沃野西

北之絃曰一目曰少所北方之絃曰積水曰委

羽指南越裳氏來朝遺其歸路周公制指南

車使為先導敗北烈子管仲曰吾始與鮑叔

賈分財多自與鮑叔不以我為貪知我貧也吾

嘗為鮑叔謀事而大窮鮑叔不以我為思知時

有不和也吾嘗三戰三北鮑叔不以我為怯知

我有老母也知我者鮑子生我者父母齒牙

南史謝眺好獎人材會稽孔間有才筆未為時

知孔珪嘗令草讓表以示眺眺嗟味良久手自

折東薦之謂珪曰是子聲名未立無惜齒牙餘

論羅隱教言泉晚淡未忘淘灑之功談柄時迴

別借齒牙之助洪适啟齒牙借譽每叻華衮之

褒羽翮問程有待洪鈞之播方秋崖啟微如腹

背之毛亦沾齒牙之論中停雲陶潛詩序停雲

思親友也。披霧徐幹中論文王敗于渭水遇  
 太公釣召而與之言載之而歸文王之識也。灼  
 然若驅雲而見白日霍然如開霧而睹青天樂  
 廣傳尚書令衛瓘朝之者舊逮于魏正和中諸  
 名目談論見廣而奇之命諸子造焉曰此人若  
 水鏡見之益然若披雲霧而見青天也。舊黃象  
 令披雲高天澄徹野客叢書今用披霧睹青天  
 事多指樂廣梁孝元詩還思逢樂廣能令雲霧  
 蹇駱賓王詩情披樂廣天是也。不知此語已先  
 見于徐幹中論晉人蓋引此語以美樂廣耳。

陳 哥南缺棠天來時豐其龍欲風公歸計前  
 北之 綠曰一日曰少西此之 綠曰 蘇木曰 委  
 曰 嶺黃曰 又曰 西南式之 綠曰 金立曰 天理西  
 林曰 桑裡東南之 綠曰 大窺曰 泉安南式之 綠  
 于東北式之 綠曰 味土曰 蒸立東式之 綠曰 棘  
 轉 六合 對八 綠曰 八 綠曰 八式之 綠曰 八 綠曰 八

侯林選君

宋之禎

伏以帝鑒揆留仕路欣題玉尺。廷推銓權朝紳晉  
 列氷衡會簡命之遙臨。盼卿雲而布藻。遲竿牘之  
 未獻。指皦日以傾葵。恭惟臺下兩間正氣。三代人  
 豪。綜金薤之琳瑯。鑑一方一圓而志喻。飲玉壺之  
 沆瀣。巖十指十視以意誠。本朝二百餘年。真儒再  
 見。天下第一等事。理學代興。誦法文清公。儼形神  
 之畢肖。追踪文莊氏。曠警視以成編。清介若關西  
 而無劇簡。要比澹冲而不苛。是誠一出。注明時之

仰。寧惟遄躋慶冠冕之榮。某策款段于長安。未酬

蟻蛭求牧芻於禪郡。終媿牛涔喜清貫之列。鴻流

朝端發彩。覲徵綸之下。鳳展中外式瞻。未遂鳧趨

祗塵燕賀。肅裁短楮。上質台嚴。伏異恩垂。俯承英

盼。某曷任翹瞻。悚息之至。

玉尺五代趙光逢以文行著名且方直温潤人

謂之玉界尺 湘雲史記郁郁紛紛蕭索輪囷

是謂卿雲 竿牘莊子小夫之智不過苞苴竿

牘注 竿牘竹簡為書相問遺之具也 金華琳

環韓詩平生千萬篇金薤垂琳瑯 玉壺沈瀿

季詩 白玉壺水冰壺中見底清 鮑明遠詩 玉壺

朱絲繩清如玉壺冰流胡郎切瀿音 朱方夜

半氣也 王逸楚詞六氣注 春食朝霞日欲出時

黃氣秋食淪陰日沒時赤黃氣冬食沉瀿北方

夜半氣夏食正陽南方日中氣并天玄地黃之

氣賈誼借誓吸沉瀿以充壺司馬相如大人賦

呼吸沉瀿兮餐朝霞仲長統詩沉瀿當餐九陽

代燭劉後村啟觀玉樹琳瑯之標覺我形穢捐

金莖沉瀿之氣使人意消 清介關西楊震傳

或勸震為子孫開產業震不肯曰使後世稱焉

清白吏子孫以此遺之不亦厚乎 又震明徑博

覽無不窮究諸儒為之語曰關西孔子楊伯起

款段馬援從弟少游嘗曰士生一世乘下澤車

御款段馬鄉里

稱善人足矣

候同年入館 何舜岳

伏以衮衣明日月硯龍騰禮樂三千彩筆染雲烟

金馬跨瀛州十八應期而出稽古之榮恭惟年臺



班香宋艷賈壘曹墻歌鹿鳴詩遊曲江而賦杏苑  
 飲燒尾燕茹鄭水而嚼蓮池群才復以望風妙選  
 歸乎北斗人間風日不到處海上神仙皆在焉承  
 明之有直廬足步八磚之日紫宸之夾香案身依  
 一朶之雲學力與天相融聲光無地可著上帝且  
 留而論誤太乙下觀其校讎自甲至丁凡四庫皆  
 腹中有本之書襲六為七作一經無世上已談之  
 語青黎點字豈鉛槧之是專白玉為堂實棟梁之  
 獨屹人胎已脫骨於儕伍天樞行列眉于魁三某

逐隊驩駙駟之群自廿牝牡驪黃之外聞上中  
 和之梁喜奪唱六之籌身列槐垣舞蹈皇猷金玉  
 名馨竹簡迴翔相烈丹青敢佈鴻私聊申燕賀

稽古桓榮傳榮為少傅賜以緇車乘馬榮大會  
 諸生陳其車馬印綬曰今日所蒙稽古力也  
 歎燒尾聞見錄士人初登第必展歡宴謂之燒  
 尾宴謂魚化為龍必燒其尾八磚翰林志廳  
 前堵有花磚遇冬中日及五磚為入直之候李  
 程性懶常過八磚乃至人呼為八磚學士夾  
 香案唐史天子御正殿則起居即居左舍人居  
 右若仗在紫宸內閣則起居舍人夾香案分立  
 殿下元微之詩我是玉皇香案吏論譔元萬  
 頃傳武后詔諸儒論譔禁中襲六為七司馬  
 相如傳將襲六為七  
 注六經加一為七也

與李孟白京兆啟

斬於中

伏以薄海瞻巖台鼎持衡於魏闕積時成歲塞垣  
奏課於虞廷蟠木無奇冶金自躍惟化工之吹萬  
即季諾之勝千傾心冀德拜手攄虔恭惟台臺毓  
粹扶輿儲精河岳瓊臺珠溜奎明霄漢之章玉陛  
金閨泰感風雲之會夔龍德望炳朗於清廟明堂  
閔洛儒宗昭揭於泰山北斗群流摠歸月旦佳士  
必經品題誠哉廊廟之天球而四夷咸仰丰采允  
矣人倫之氷鑑而百辟共作儀刑者也某居諸虛

度仕路浮沉。耽靡効于監司。名空懸於庶訪。出入  
簿書之會。齊東百事奚裨。馳驅戎馬之場。遼左一  
籌莫展。捫心自愧。譬尤已積山崇。靜聽明庭。汗垢  
仰干汪度。願清流阮睫。寬其尸素之誅。庶彩動  
堯眉。尚有瓦全之望。所以駑馬長鳴於伯樂。意者  
枯桐發響于中郎。不盡區區附陳悃悃。海涵為幸。  
淵惕寔深。臨啓曷勝激切瞻仰之至。

蟠木鄒陽傳蟠木根抵輪囷離奇而為萬乘器

者以左右先為容也

冶金莊子今大冶鑄金

金踴躍曰我且為鏤郤太冶必以為不祥之金

李詩為金好踴躍吹萬莊子夫吹萬不同而

使其自已也。謂風之自起自止。月旦評邵傳  
邵與從兄靖俱有高名，好共覈論，鄉黨人物每  
月朔輒更其品題。故汝南俗有月旦評。天球  
說文：球，玉也。尚書：天球，河圖。詩：受小球，大球。山  
谷詩：大球不琢，中粹和季。商隱啟：日觀同光，天  
球並價。浮沉宋元結字，次山為人落落不偶，  
嘗浮沉樊漾間，自釋云：次山，避亂入猗玕洞，稱  
猗玕子。後徙家漾濱，自稱浪士。及為官，人以為  
浪者，不漫為官乎？呼為漫郎。後棄官居樊，上漁  
者，在石更曰：不更酒徒，又曰：公又漫浪于人間，  
得非天于乎？公漫久矣，可以漫為叟，又稱漫叟。  
注：度漢昔憲字叔度，有度量，郭林宗曰：叔度汪  
洋若千頃波，澄之不清，滄之不可量也。  
堯眉：淮南子：堯眉八彩，舜目重瞳。長鳴：伯樂  
戰固策：驢服鹽車而上太行，遷延負轅，不能上。  
伯樂遭之，下車攀而哭之，驥于是俛而噴，仰而  
鳴，聲聞于天。若國金石者，何也？彼見伯樂之知已也。

候李大理啓

吳明郊

伏以法星依帝座，萬方之氣稜潛消。春色到仙曹。  
九錫之光榮應兆，泰階新轉寰宇懽騰。恭惟台臺  
龍門聳望，象闕趨班。下筆五千言，詞翻閩海。蟠胷  
三萬軸，氣壯武夷。運際風雲之會，名傳殿陛之臚。  
久調玉燭于台垣，先綰金章于廷尉。鞫五辭而無  
屈人，驚于定國。重來持三尺，而不阿帝。喜張釋之  
再用，佇自平反之最績。卽升補闕之崇階，翹首具  
瞻。願言待賀。某 庇籍神庥，治隣仙里。燕臺聚首，游

承惠澤之施。丹府啣恩。未效涓埃之報。時逢便羽。附候興居。檢點侑函。儀愧一芹之薄。瞻依台座。神馳千里之遙。伏冀優容。不勝感戢。

九錫禮有九錫曰輿馬衣服樂則朱戶紉陞虎賁弓矢鉄鉞拒鬯 三萬軸唐李泌肅宗時為相封鄴侯家多積書至三萬軸韓詩鄴侯家多書梓架三萬軸一懸牙籤新若手未觸東坡詩讀過牙籤三萬軸 武夷屬崇安縣高峯三十有六道書第十六洞天嘗有神降此自稱武夷君列仙傳籙鏗二子長曰武次曰夷 辭尚書師聽五辭注辭五刑之辭也 于定國字曼倩于公子官廷尉民以不寃稱元帝勅封相封西平侯生平謙厚雅重士身為列卿尚遊師執經北面倫弟子禮飲酒至數石不亂酒後治獄益精明 張釋之字季裕州人以賢為騎

郎十年不調。因表益薦。拜廷尉。天下無寃民。平反雋不疑傳。即不疑多有所平反。注反音幡。奏使從輕也。神門唐乾寧中楊貽德為諫議。正直敢言不避權倖。人目為鐵補闕。元稹楊汝士授右神闕。朕聞衮職有關。仲山甫補之。蓋所以節宣天子之嗜慾。而彌縫其不至也。我國家諫司。諫署以神明其耳目。凡在茲選。寔難其人。涓埃科詩。未有涓埃答聖朝。

### 與順天李大京兆啟

### 過庭訓

伏以天眷股肱。幕府牙旗。騰紫電。帝隆保障。齊臺鈴閣。藹青霜。功勒鼎彝。慶洽簪弁。恭惟老公。祖台。墨命世儒宗。心朝碩輔。奎章金薤。雄文燦五色雲。霞玉畧帝謨。峻業昂九霄。山丰巖膽。蚤譽粉署。含

香高披天鏡之光。衡文嵩洛自挽河。魁之柄。督運  
 澶淵。沛雨露於承宣。凜冰霜于庶訪。浙潮流潤。晉  
 水澄清。樹範邦畿。其仰垂神霄漢。端揆京兆。咸聽  
 曳履而辰。簡在楓宸。方籍羽儀於九列。游虛槐席。  
 旋躋元首。干三台。望楓陛而三呼。人承再造。頓粉  
 榆以九躍。家遂更生。敢頓首稽首以拜。函從大東  
 小東而稱賀。不腆將櫝。聊用貢衷。伏惟崇涵。不勝  
 瞻仰。

牙旗兵書牙旗者將軍之精黃帝出軍決有所  
 攻伐作去采牙幢青牙旗引住東赤牙旗引住

南白牙旗引住西黑牙旗引住北黃牙旗引住  
 中孔戎雜說牙者旗也大司馬掌武備益獸以  
 牙為飾故軍前大旗謂之牙旗保障左傳且  
 成孟氏之保障也史記趙簡子使尹鐸為晉陽  
 曰以為繭絲乎以為保障乎簡子曰保障哉  
 鈴閣太守有鈴閣李詩掣鈴交道二千石韓詩  
 趨鈴閣前鈴白樂天詩便留朱紱還鈴閣羽  
 儀易其羽可用為儀季孫傳揆同平章事帝曰  
 卿門地人物文學皆當世第一信朝廷之羽儀  
 乎大東小東詩有大東小東篇

候王戶部啟

吳明郊

伏以才優王佐。暫司九扈于民曹。識僅管窺。謬縮  
 半綸于仙里。翹瞻台宿。悚息冰衷。恭惟台臺。青箱  
 舊族。紫閣名流。擊水三千。闡海奮鯤鵬之翅。去天

尺五形廷趨鷓鷯之班。丰裁見注于宸衷。經濟暫  
攄于王籍。運籌國計足追古之鄼侯。樽節民財洵  
當今之劉晏。佇自地曹而發軔。崇登天府以持衡。  
某同籍依光。公符兢慮。交懽京邸。登承繾綣之恩。  
憑式里門。每切儀刑之思。徒深銘刻。未報涓埃。偶  
值郵筒。附申候牘。伴函儀愧乎一芹。臨發神馳于  
千里。仰斬台鑒。俯慰塵情。

管窺莊子是直用管窺天用錐指地不亦小乎  
晉王獻之年數歲觀門生樗蒲曰南風不競門  
生曰此郎亦管中窺豹時見一班獻之拂袖而  
去青箱王准之四世仕宋為御史中丞練習

朝儀請江左四事革以緘之青箱世號青箱王  
氏運籌高帝紀運籌帷幄之中決勝千里之  
外吾不如子房古之鄼侯劉晏領江淮轉  
運常平使盡以清事委晏故晏得盡其才歲輸  
始至上大悅馳使勞曰卿朕之鄼侯也劉晏  
唐語林劉中州晏通百貨之利自言如見地上  
錢流每入朝乘馬則為鞭算

與李府尹啟

薛三才

伏以獨座嚴崇切星辰而列席中權鎮定表海岱  
以建牙號渙十連懽騰四履恭惟台臺儲精軫翼  
繫象斗魁峻節摩霄參玄衡而屹峙清規照世映  
江漢以汪漣游歷藩宣聲寔獨高於四嶽晉尹京

轂風猷直接乎三王。睠彼東齊號為三輔。赤地之  
 災異甚。潢池之警屢聞。治亂民如亂繩。誰是經綸  
 之手。易佩刀而佩犢。必賢文武之才。僉舉公能。果  
 符帝簡。寧復弄印而熟視。亟宜乘傳以疾驅。屬當  
 發賑之時。方有來蘇之望。流布聖澤。將與河濟俱  
 深。扇揚皇風。頃令庭羸立起。詎惟默消茅蘗之黨。  
 行且遍聽黍苗之歌。不佞某聳企鴻猷。倍深燕喜。  
 戒有良翰。幸託庇于大邦。治可小康。庶沾流於餘  
 潤。謹致劈箋之賀。用代執板之恭。侑以薄將。伏惟

崇昭臨楮可勝欣躍瞻恋之至

獨坐宣秉傳建武元年拜秉為御史中丞。光武  
特詔御史中丞與司謀校尉尚書令會並專席  
而坐京師號曰三獨坐。蘇味道詩故事推三獨  
杜詩周行獨坐榮。十連禮記王制五國以為  
屬十國以為連。百樂天集周以十連帥諸侯若  
今之兼符也。三王漢京兆尹有趙廣漢張敞  
王尊王章王駿皆有能名京師。稱曰前有趙張  
後有三王。三輔漢百官公卿表主爵都尉秦  
官景帝中六年更名都尉武帝太初元年更名  
右扶風治內史右地與左馬。稱京兆尹是為三  
輔張敞傳京兆典京師長安中浩穰於三輔。尤  
為劇潢池警龔遂傳海瀕遐遠不霑王紀其  
民困于饑寒而吏不恤。故使陛下赤子弄陛下  
之兵於潢池中耳。佩犢龔遂傳遂為渤海守  
人好帶劍佩刀。遂令賣劍買牛。賣刀買犢。曰何  
為帶牛而佩犢。弄印熟視周昌傳云云高祖

持御史大夫印弄之曰誰句爲御史大夫者孰  
 視趙堯曰無以易堯遂拜堯御史大夫乘傳  
 高帝紀乘傳詣洛陽注傳若今之驛古者以車  
 謂之傳車良翰詩邦之良翰執板取林州別  
 駕治中見刺史持板拜刺史答拜注板手板即  
 笏也亦謂之簿周禮跡在君前以笏記事后代  
 用簿簿  
 今手函

候徐吏部啟

崔 涪

伏以情懸苞栩方深陟帖之懷歌廢蓼莪忽感終  
 天之感義激填膺屢日訃聞雪涕數行恭惟師臺  
 移孝作忠悅親信友淵源家學追鯉對於尼丘  
 聖才名貫鵬行於畫省堂上花明畫錦足比和丸

堦前衣舞班爛無煩負米况復天曹晉秩羅劍帶  
 以事二人兼之帝典馳封萃絲綸以資百順政極  
 尊崇之至俄驚躡躡之悲威容踳踳有循衰經笑  
 氣在疾雖霜降必殞賢愚千載同歸乃孺慕彌殷  
 舜閔終身曷解不肖才同樗散品辱筠籠拓落一  
 官似晏倩陸沉於金馬逡巡十載若馮唐躑躅於  
 郎曹五技欲窮久分銷魂之客一籌莫展空懷知  
 已之嗟况因皇路驅馳勢難縮地不獲我躬候慰  
 泪下迸泉伏惟順變節哀坐待龍旂勸駕加食善



飢無然鷄骨支床

苞栩詩蕭蕭苞栩 陟岵詩陟彼岵兮瞻望父

今注山無草木曰岵 王哀父母之死每

讀詩至哀哀父母生我劬勞未嘗不三復流涕

門人並廢蓼莪之詩 書錦魏志張既為雍州

刺史太祖謂既曰還卿本州可謂衣錦書行矣

唐張士貴號州人唐初從平洛授號州刺史帝

曰顧令卿衣錦書行耳歐陽公書錦堂記其豐

功盛烈所以銘彝鼎而被管絃者乃邦家之光

非閭里之榮也劉禹錫詩朝服歸來畫錦榮宋

之問詩衣錦書還鄉 和九唐柳仲郢母善教

子嘗以苦參末和熊胆為丸使夜嚙之不寐

衣舞班爛老萊子孝養二親行年七十着五色

班爛衣嘗取木上堂跌仆地為小兒啼以取

親悅 負米家語子路曰家貧親老不擇祿而任

昔者由也為親百里負米親沒南遊于楚從車

百乘累廵而坐列鼎而食願負米百里豈可得

乎 二人詩明發不寐有懷二人注二人父母

也 拓落一官楊雄傳何為官之拓落也注拓

落不偶貌宋李廷忠啟離奇多難拓落一官

陸沉東方朔傳陸沉于俗避世金馬莊子是陸

沉者也注人中隱者譬如無水而沉也文選陸

沉之羽與翔鴻撫翼又違世陸沉避地獨窳又

道勝貴陸沉杜詩志機陸自沉 馬唐郎豐馬

唐傳父老何事為郎注言年已老矣何乃自為

郎也荀悅漢紀馬唐白首屈于郎文選馬都尉

皓髮于郎署杜詩老儒不用尚書郎又垂白馬

校讀夏伯

卷二

二四

候大司成公啓

伏以八座南雍師濟行菁莪之化一麾東海旃幪

樂府長跪讀素書書中竟何

縮地脉千里聚在日前放之復如舊 加食吉

唐老 縮地神仙傳費長房遇壺公有神術能

如上有加餐餅下有長相憶

吳明郊

分槐棘之陰。時切瞻依。特申問候。恭惟台臺。揆留  
皇鑒。天作師模。呼吸海潮。漳水吐九龍之氣。騰驤  
天路。燕山空萬馬之群。爭看獨步瀛洲。誰復齊驅  
上國。備九重之顧問。閭闔增輝。掌一代之絲綸。奎  
躔動色。寵承聖眷。盟主賢閔。樂育天下之英才。文  
章司命。闡發宵中之妙旨。禮樂宗工。筆點化炉。萬  
品盡陶鎔。而不窳。指揮天網。四靈歸羅。致而無遺。  
佇看曳履于星辰。具慶覆甌于旦暮。某賦才不敏。  
了事多癡。守拙宦于海邊。誰惜蓬飄之跡。望慈顏

于天上。常傾葵向之心。顧慚疏節。未展積忱。茲恭  
候乎鴻禧。特敬伸乎燕賀。仰祈台鑒。俯慰下情。

菁莪詩菁菁者莪文王作人詩也

漳水漳水

屬平鄉源出山西潞州發鳩山即禹貢漳水也  
掌絲綸禮記王言如絲其出如綸杜詩欲知世  
掌絲綸美王元之與宋給事詩須知百日掌絲  
綸了事多癡桓温嘗  
嘆曰痴兒不了公家事

候廣德張州尊啟

陸德龍

伏以皇運天開。黼座重親。民之寄。循猷風動。江城  
含化國之春。雄名北斗。齊高福。驩南躔。獨朗鼎衡。  
佇昇望。矧中朝。河潤匪遙。驪騰未屬。恭惟門下。洙

源○濬○彩○泰○嶽○儲○精○家○學○世○相○承○鄒○魯○斯○文○歸○績○紹○  
 慶○源○天○共○遠○雲○霄○奕○葉○看○飛○翔○大○風○東○海○泱○泱○瑞○  
 氣○西○崑○鬱○鬱○烏○臺○總○憲○八○埏○宗○喬○木○之○家○粉○署○宣○  
 猷○一○代○跂○調○鉉○之○望○駿○譽○甫○馳○於○握○計○鴻○裁○雅○著○  
 於○司○垣○特○移○天○上○星○辰○用○作○嶺○南○冰○鑑○桂○叢○揮○斧○  
 喜○棟○楠○杞○梓○咸○蒙○匠○石○之○收○蘭○省○亮○工○慶○禮○樂○文○  
 章○更○入○鑪○錘○之○治○風○聲○傳○海○甸○方○看○化○洽○無○垠○聖○  
 主○念○蒼○黔○忽○覩○春○行○有○脚○暫○半○年○而○借○寇○實○三○輔○  
 以○試○蕭○最○政○別○江○南○足○令○前○朝○無○卓○魯○新○綸○來○冀○

北○會○知○異○代○有○夔○龍○三○台○之○席○已○虛○六○宇○之○霖○且○  
 遍○某○虞○山○散○樸○勻○水○燉○鯛○片○檄○承○來○幸○望○福○星○於○  
 只○尺○一○瓊○濫○厠○竊○窺○鄰○壁○之○虹○霓○觀○茲○歲○律○逢○新○  
 益○慶○台○禧○駢○集○就○日○悵○無○飛○羽○望○風○彌○切○馳○心○敢○憑○  
 一○鴈○之○翎○遙○致○五○雲○之○叩○伏○惟○慈○鑒○可○任○主○臣○

桂叢揮斧吳剛磨斧于月下人問故答曰我因  
 學仙有過上帝謫我月中伐桂匠石韓文以  
 某在公之宇下是生于匠石之圃而長于伯樂  
 之廐者也于是而不得知假有見知者千萬人  
 亦何足云試蕭蕭望之傳望之從少府為左  
 遷恐有不合意即移病上使侍中金安論意曰  
 所用皆更治民以考功君前為平原日淺故後  
 試之於三輔非有所聞也注更經歷也

候送大行崔老先生入都

陸德龍

伏○以○天○近○紫○微○騎○省○聲○華○懸○斗○北○雲○開○青○瑣○龍○墀○  
瑞○色○照○江○南○慶○吉○士○之○升○朝○昌○言○著○世○喜○亨○衢○之○  
得○主○偉○略○匡○時○鼎○石○流○輝○粉○榆○錫○彩○恭○惟○臺○下○學○  
貫○三○才○望○高○八○柱○天○門○挺○秀○筆○濤○駟○萬○里○風○雷○日○  
陞○揚○綸○宮○錦○沓○層○霄○雨○露○駕○玄○螭○吞○白○鳳○千○年○文○  
物○推○宗○啣○紫○氣○出○青○旻○六○合○甘○霖○在○手○甫○見○風○清○  
周○道○倏○看○日○麗○軒○圖○謂○駟○駢○已○徧○陬○溼○國○計○民○崑○  
具○悉○而○瑣○闥○非○需○骨○鯁○皇○猷○帝○治○何○禪○爰○藉○龍○光○

用輝鷺序。鷄剝入望。懸知白簡霜森。鴻羽冲霄會  
見青蒲地密。造宗社生靈而禔之。福端在茲。行合  
臯夔禹益。而集其成。更將誰屬。茲固開天王氣。毓  
在真儒。到今來勛庸特起。抑亦濟世仔肩。久資碩  
彥。從此去。爨鼎非遙。某溯派虞川。濫叨世誼。備員  
繁水。幸拜光塵。躬逢鳳翮騰凌。念切龍門執御第  
台旌。迅發。悵蟻惘之末。伸顧梓蔭。遙分念雀。恠之  
欲躍。僭。函縷素。遙叩車塵。雖螢燭微。明不敢睇。光  
于日月。而藻芹薄物。寧終見擯。于王公。倘垂顧于

車前必不麾之門外瞻山心遠就日神馳

青瑣元后傳赤墀青瑣注刻為連瑣文而青塗也杜詩侍臣緩步歸青瑣又幾回青瑣點朝班

賈至詩千條弱柳垂青瑣吉士詩藹藹王多

吉士維君子使媚于天子天門山名太平府

西南二山夾大江東曰博望西曰梁山對峙如

門又名峩眉山民崑尚書周顧畏于民崑

骨鯁陳平傳強項骨鯁之臣杜周傳朝無骨鯁

之臣晉書王羲之傳以骨鯁稱說文鯁食骨鯁

咽中也鵝別史記高祖時籍儒孝惠時閔儒

婉倭貴幸與上臥起故惠帝時郎中皆冠鵝冠

其帶傅脂粉花閣籍之屬龍門執御李膺

膺有才名性簡元無所交接士有破其容接者

號登龍門時荀爽嘗就謁膺因為其

御既還喜曰今日乃得御李君矣

侯何太尊陞任啟代作

陸德龍

伏以綽錫中天快觀法星之燦爛曦翔南陸喜逢

化軌之舒長曩徼惠於披雲感深知已茲恨違於

隔域企切盟心斗極懸霄河流觀潤恭惟臺下德

崇鼎石望聳岷峨形墀蔚吐虹文三川龍躍粉署

光生鷺序二水霞明甫聆聲動民曹一代屬鈞調

之寄倏覩符分樵使兩高懸冰蘖之標乃天睭此

岐豐遂帝賚茲卓魯三年葱鬱雨飛牛渚之春一

路謳歌風震龍樓之曉爰從江國藉鎮襄原地當

荆楚上游一顧東南收半壁人是伊臯峻品疑眸  
 劍鳥繞三台偉業無垠修名有赫某猥以下走曾  
 受上成辱推置之隆慈鑒茲樸直感提嘘之渥愛  
 俯道讐尤玉署天高方快鴻儒之柄用金規日遠  
 滋競蚤負之莫勝緬河橋揚柳依依峴首晴雲時  
 縹緲望霄漢壁奎皎皎采江明月快迢遙莫既烏  
 私聊憑雁幣伏惟垂照可任馳心

南陸天文志日行南陸謂之夏

岷峨記纂淵

海汶山即禹貢岷山也在茂州汶山縣列村  
 江水出焉益州記峨眉山在犍爲南安縣南界  
 當縣南八十里山首相望如峨眉

源出句容溧水兩山間合流至金陵分爲二支

一入城一繞城外共來一州故曰二水牛渚

山名太平府北下有磯曰牛渚一名燃犀浦温  
 嶠燃犀照見奇卽此荆楚上游拒彞傳豁

陵厲于上游項籍傳古之王者地方千思必居

上游推道宋紀太祖嘗賜劉鋹酒鋹恐有毒太

祖笑曰朕推心置人腹安有此事耶命取鋹酒自

飲而別酌以賜鋹鋹大慙謝玉署漢官儀侍

中有玉堂署翼奉傳久汗玉堂之署蚤負莊

于是猶使政負山商距馳河張玄晏啟蚊蚋難

勝于山岳蚤以何報于生成韋承慶詩蚊力負

山疲峴首晉書羊祜傳祜字叔子守襄陽愛

山水每風景必造峴山置酒言詠終日既薨百

姓于祜遊憩之所建碑立廟歲時享祭望其碑

者莫不流涕因名爲墮淚碑峴山有襄陽郡東

南三里歐陽修記峴山臨漢上望之隱然蓋諸

陳情表鳥  
鳥私情

與順天李大京兆

侯正鵠

恭惟台臺豪挺自天神。生維嶽半千名。世風雲際而躡星辰。一代偉人經緯雄。而允文武譽隆京兆。忠簡帝心惟東土。嚴警揭竿故北關。特推開府風飛牙纛。岱岳之峯騰懽雲。迂糜戰滄海之波起舞。檄傳鄒魯。囚旱魃于高壩。旌指青齊。窟肥蠶于巨壑。草偃成和。百城嘯靜。綠林刀變為牛。六郡魄禔青犢。哀響頓輟于鴻羽。流蹕安集于魚鱗。鎮撫此

一方。遭逢真千載者也。

鵠

路陽馬走袞西。鯀生望

楓陛而三呼。人承再造。顧粉榆以九躍。家遂更生。

敢頓首稽首以拜。函從大東小東。而稱賀不腆將

續。聊用貢衷。伏惟崇涵。可勝瞻仰。

揭竿過秦論。陳涉率罷散之卒。將數百之衆。轉而攻秦。斬木為兵。揭竿為旗。天下雲合。而響應。

羸根而景從。山東豪俊。遂竝起而亡秦族矣。

旱魃詩。旱魃為殃。肥蠶山海經。太華山有蛇名肥蠶。六足四翼。見則天下必大旱。

馬遷傳。太史公牛馬走。注。自謙其牛馬之僕。

候孫鑑湖太史啓

許以忠

伏以台星吐彩。南都增史牒之輝。卿月分光。東海

借照臨之色神馳千里敬叩九閭恭惟台臺相門  
華冒王國奇棋漱齒姚江蜃市散樓臺之氣尋踪  
禹穴龍宮徼杖履之榮爰以秦征遂膺俊籲題名  
金作榜重元輔於登庸通籍玉為堂貯私人於密  
勿宸極學資討寃非堯舜而不陳春宮善賴贊襄  
存漢唐於勿論德音南論獨當太史之尊恩數頻  
沾不顯先公之烈名已覆甌而待卜事將秉憲以  
平奄美濟家傳喜罕人望其自分不才謬校莫逆  
久不聽蘓門之鳳嘯時切寸衷獨無奈湘浦之魚

沉誰傳尺素行徑真為俗吏襟期莫慰故人端馳  
健足以將芹惟冀慈顏之含茹其為感頌不既敷

宜

卿月尚書卿士惟月杜詩卿月昇金掌高適詩

月卿臨幕府漱齒晉孫子荆謂王武子曰當

枕流漱石王曰石非可漱流非可枕孫曰枕流

欲清耳漱石欲勵齒

蜃市蜃蛟類海旁秋時

常有蜃吐氣如樓臺人物之形謂之海市

踪禹穴浙江會稽山有穴禹南巡登焉民間相

傳禹入此穴因名漢司馬遷南遊江淮上會稽

探禹穴云云私人唐書百官志翰林學士專

掌內命凡拜免將相號令征伐皆用白麻其後

選用益重而禮遇益親至號為內相又以為天

子私人莫逆唐楊寧與陽城為莫逆交德宗

詔城與寧俱來莊子子桑戶孟子反子琴張四



人相視而笑莫逆于心遂相與為友蘇門嘯  
阮籍于蘇門遇孫登與之商畧終古及栖神導  
氣之術皆不應籍退  
聞嘯聲乃孫登也

候金刑部啓

吳明郊

伏以刑祥丹筆南都宣欽恤之恩署啓白雲東海  
借帡幪之蔭輝聯異地喜集同門恭惟台臺秀毓  
滇南雄飛斗北首登虎榜雄名益六詔之英聯捷  
燕臺經濟重三台之望當佩玉而調燮理先綰銅  
以試循良既隆駟雉元勳遂晉爽鳩峻秩曹聯建  
禮弼五教以明刑象列紫宮奉三尺以從事爰車

幾措囹圄興空寂之歌誦獄不寃寰宇襲和平之  
福具頌于公陰德徧流吳地恩波蓋惟帝好生籍  
慰平反乎民命則推公顯擢卽司贊化于台元九  
屬瞻依咸增忻躍某自分投荒俗吏曾叨附籍仙  
卽風雨一天憶共話樽前之日參商兩地悵分携  
琴上之星盈盈衣帶非遙恋恋綈袍猶在柰羈海  
角惟知踈節以自慙欲採溪毛聯佐薄蹠而遠候  
祈鑒芹私幸垂茹納

刑祥尚書有邦有土告尔祥刑白雲署黃帝  
以雲紀官名秋官為白雲署虎榜科舉記唐

貞元八年陸贄主文試明水賦御溝新柳詩榜  
 中得人如賈稜陳羽歐陽詹李觀馮宿王涯李  
 傳張李友劉遵古許季同韓愈李絳庾承宣元  
 結胡諒崔羣邢冊裴光輔萬當等皆天下孤俊  
 偉傑之士時稱龍虎榜六詔南詔傳南詔或  
 曰鶴柘曰龍尾本哀牢後為蠻別種其先渠帥  
 有六自號六詔蒙含詔在諸詔南故稱南詔居  
 姚州之間鐵橋之南爽鳩左傳爽鳩氏司寇  
 也張鷟奏爽鳩之為司寇務在擇仁  
 尚書明于五刑以弼五教帝好生尚書好生  
 之德洽于民心參商左傳十產曰昔高辛氏  
 有二子伯曰闕伯季曰實沉居于曠林不相能  
 也日尋干戈以相征討上帝遷闕伯于商丘主  
 辰遷實沉于大夏主參杜詩人生不相見動如  
 參與商言出沒不相見也琴上星坡詩吾州  
 同年友燦若琴上星衣帶陳后主荒淫隋文  
 帝曰豈可限一衣帶水不拯之乎乃伐陳  
 綈袍高適詩尚有綈袍贈應憐范叔寒

候晏給事啓

吳明郊

伏以聖朝無闕事常崇補袞之班名世際昌期自  
 吐批鱗之氣實關國是最快人心恭惟台臺人瑞  
 洪都聲雄上國詞源灑漾沛蠶湖彭澤以同流德  
 望巍峨並匡嶽廬峯而共峙時薦元勳于丹陛遂  
 應妙選于黃門批勅力回天羞訪碧鷄崇祀伏蒲  
 聲動地驚聞丹鳳鳴陽九重嘉耳目得人百辟望  
 羽儀為式蓋瀝忠肝披義胆威名爭日月之光將  
 調玉鉉贊金鑿勛業煥鼎鍾之彩某徼荒俗吏迂

海庸才。昔承平仲之善交。曾授編紵。今仰夕郎之  
顯諫。如聽雷霆。柰淹萍跡于海。莫布芹裏于閣。  
從自慙。疏節益令遐思。落月滿梁。儼向三山。瞻霽  
色。臨風肅楮。遙馳一介。致微忱。仰冀丙融。俯抒寅  
悃。

批鱗韓非子龍喉下有逆鱗數尺嬰之則殺人  
人主亦有之 蠡湖彭澤蠡湖彭蠡湖也南康  
府東南一名鄱陽濶四十里長三百里西接南  
昌東抵饒州界彭澤縣名屬九江府即陶潛作  
令處 黃門漢制給事黃門之職初學記劉向  
戒子歆書曰今若年少得黃侍郎要處也玉海  
秦有黃門侍郎漢因之凡禁門黃闥故號黃門  
其官給事于黃闥之內故曰黃門侍郎魏晉以

來竝為侍衛之官唐德宗以王緯為給事中補  
黃門要地 批勅唐書李蕃遷給事中勅有不  
可遂于黃紙批之吏曰宜別連白紙蕃曰別連  
白紙足文狀豈曰批勅耶羅隱詩左省曾批勅  
東坡詩平生批勅手淡墨寫黃紙 碧鷄漢書  
宣帝聞益州有金馬碧鷄之神可醮祭而至命  
王褒持節求之 接編紵吳公子禮聘于鄭其  
子產如舊相識與之編帶子產緘紵衣 夕郎  
衛宏漢儀黃門屬黃門令日暮入對向青瑣闈  
拜名曰夕郎宋之問詩高才拜夕郎 落月滿  
梁 杜甫懷李白詩落月  
滿屋梁猶疑照顏色  
候翰林邵芝南啓  
許以忠

伏以朝端台輔宣麻垂萬國之恩海上波臣守土  
籍三年之庇治績漫無寸錄鄙懷恃有尺書恭惟

台臺北斗調元東陵詔派家傳皇極煥乎世掌之  
 絲綸身作帝師允矣士紳之領袖清望素孚金闕  
 崇階獨鎮玉堂開局譚經奎壁聚中霄之彩揮臺  
 草詔珠璣揚上苑之輝冬寒時覆錦袍夜永曾分  
 寶炬蓋弼絲夢賚精神已契於宸衷則寵自天來  
 爵位卽登於台鼎華夷交慶縻帛流芳某自分庸  
 材謬司名郡望蓬萊諸島控制莫閑眺日月雙湖  
 澄清未効瓜期雖及多貽瘵曠於地方槐蔭常垂  
 幸借帡幪於天際坐冗久踈通候捫袞殊覺汗惶

茲馳一介以將芘惟與三台之含茹曲垂鑒宥藉

慰瞻依

波臣莊子胙見車轍中有鮒魚曰東海之波臣

也東陵邵平為秦東陵侯秦滅為布衣種瓜

長安瓜有五世號東陵瓜覆錦祀唐封敷

為學士草陣傷邊將詔敬句云傷居尔體痛在

朕躬旁覽而嘉之賜以宮錦又武后嘗幸洛苑

詔從臣賦詩東方虬先就賜以錦袍及得宋之

問詩嘆賞不置乃奪龍袍之分寶炬唐書令狐

綯為翰林承旨夜對禁中燭盡帝以乘輿金蓮

花炬送還院吏望見以為天子來及綯至皆驚

唐仲友啟金蓮列炬共驚官燭之歸絲殿宣麻

便趨沙提之拜余日華啟北門視草燭搖

內相之會蓮西夜判花班綴從官之玉筍

許以忠

候先祿趙行吾啓

伏以台垣經濟大烹調鼎鼎之元卿月先輝普照  
映粉榆之影切懷馳恋肅候興居恭惟台臺江左  
元英朝端碩輔鷓鴣早奮琴波揚萬里之靈騏驎  
長鳴燕市倍千金之價聖世須得賢而交慶王程  
因歷宦以流芳惟憂資於九重急需良弼遂班聯  
于八座獨掌大庖御饌調成味妙鹽梅之用賓筵  
開處珍羞水陸之供革冗食而誰不懽心被燕饗  
者式歌飽德蓋寵頒金筋特旌直節於清朝將密  
約銀青大拜崇階於紫閣顯槐展采維梓分榮某

鄉里後生海邦末吏一麾出守悵懸枝之已窮三  
載入陳籍鴻庥之曲庇自顧雖慙甑墮緬想妄異  
瓦全倘借噓培再徵恩于生我不忘啣結當感德  
以報公謹附荒將逢申葵向仰祈鑒納俯慰瞻依

金筋宋璟為相時春宴帝賜金筋曰非賜金筋  
表卿直也

凡有奏請皆用之後陞泌銀青光祿大夫  
梓詩維桑與梓必恭敬止

地不顧而去郭泰問之曰甑已破矣顧之何益  
借噓郭泰傳孔公緒請談高論噓枯吹生杜詩

吹虛人所羨又惟待吹虛欲上天韓詩青冥送  
吹噓王孝籍上牛弘書咳唾足以濟活枯鱗吹

噓可以飛  
騰窮羽

候刑部林槐庭啓

許以忠

伏以朝端台輔九章宣欽恤之恩海上波臣三載  
 乏循良之治奏課分其下考積懷敬達中消恭惟  
 台臺各世經綸清朝柱礎氣噓騰越海壯蛟門燕  
 市之奇觀臚唱現韓雲映鳳閣龍樓之瑞氣仙後  
 向瀛洲而獨步萃階從憲府以重登聖帝好生欲  
 晉貫城之化推公議辟弘施解網之仁具瞻署啓  
 白雲徧頌春生丹筆爰書幾指囹圄興空寂之歌  
 民訟不寃宇宙養和平之福既掌金科而懋德節  
 可玉鉉以調元也某自分庸材謬知名郡領一塵  
 而宣化未展尺籌閱三歲以考成漫無寸樹信乎  
 忸怩如藏芒刺於胷中何以幃幪幸借槐陰於庭  
 下坐冗久踈通候捫衷殊覺汗惶茲馳後以將荒  
 冀司閭之會茹曲垂鑒宥籍慰瞻依

中消史記曹參以中消從又萬石君為中消受

書謂如淳曰中消如中謁者師古曰消潔也言

其在中主潔清洒掃之事蓋親近左右也仙

仗唐儀衛志朝會每月以四十六人立內廊下

號曰內仗朝罷放仗貫城即貫索也石氏星

經貫索九星在七公前為賤人牢口一星為門

門欲開開即有赦九星皆明天下獄煩七星見

小赦六星五星大赦動則斧鑕用中空則更元

孫逖云貫索星少獄無囚也史記天文志有勾  
園十五星屬杓曰賤人之牢其牢中星實則囚  
多虛則開出注勾園其形如連環也芒刺漢  
宣帝謁高帝廟霍光御乘上嚴憚之若右芒刺  
背在

與汪翰林啓

萬崇德

伏以金閨儲秀祥光耀彩於木天玉署掄英清夜  
增輝於蓮燭名高東壁價重南金恭惟老年丈儀  
庭儻品華國仙才讀書中秘搜二酉四庫之藏待  
相華班備秋實春華之氣珠聯璧絡續遺響於先  
秦藻映葩鮮沛雄詞於兩漢爛藜光而分火乙文

壇七步稱奇煥葵影而潤皇猷史局三長擅譽榮  
基沙路振清廟明堂之元韻而世比鳳麟光照冰  
條若天球河圖在上方而人推龍趾文蜚繡虎端  
宜登學士之堂養湛木雞詎止得舍人之樣况茲  
宮柳煙收正荷靜蓬瀛之繪更御溝日永喜冰寒  
郢水之醪會見經筵虛左講幄推先蓋將籍之台  
鼎以寅亮天工故先簡之崑林而表章人瑞某翹  
瞻山斗企仰璠璣東觀朱明竊憶鸞簧遷上苑石  
渠綠潤遙通鯉素達清華莫聲懷依聊攄悃款謹

啟

衣天類說秘書閣下穹窿高廠謂之木天注天  
 形穹窿秘書閣亦穹窿高廠如天故曰木天  
 二酉穆天子藏異書于大酉山小酉山之中又  
 方輿記秦人隱學于小酉山中石穴有所藏書  
 千餘卷木雞莊子汜消子養鬪雞三日而望  
 之曰未也猶虛橋而恃氣復養之後數日望之  
 云德至以木雞矣異雞無敢應者反走矣舍  
 人樣職林徐堅字元固聖曆中楊再思王方慶  
 為東都留寺引堅為判官表奏專委之方慶嘗  
 稱曰掌絲綸之選也再思曰此鳳閣舍人樣  
 虛左史記公子無忌虛左自迎夷門侯生文選  
 屢獲信陵虛左之德杜詩左轄頻虛位王維詩  
 公卿盡虛左東觀藏經籍所也後漢書  
 竇章傳章少好學有文章與馬融崔瑗同好更  
 相推薦為永初中學者稱東觀太僕鄧康薦章入  
 東觀為校書郎石渠三輔故事石渠閣在末

央殿北以藏秘書者其下確石為渠以導水故  
 名施讐傳與五經諸儒雜論同異于石渠閣蔡邕傳孝宣會諸儒于石渠章帝集學士於白虎  
 唐藝文志漢興學校復創石渠唯同校讐於前  
 馬鄭論次于後西都賦天祿石渠典籍之府馮翼反遂而賦考天文于蘭閣覽羣言于石渠  
 候南岡鄉余見田啟  
 衛池

伏以星臨南極。靄紫氣於環滁。風動東皇。飛彩雲  
 於弱水。情侔兌說。道長乾亨。恭惟老師閣下。蒼生  
 霖雨。華國文章。浪破長風。魯羨新安。瑟琴鳴泚。  
 水尚頌西蜀文翁。四甸宣蔽芾。其棠勿翦。兩朝  
 屏翰。澄清瀚海。興歌剛政。方簡自承。明漸看五方



異色者碩時需握盛世因還三代遺風謾勞大宛  
之求。自負數車之對。某也慚非鄧木曾蒙大匠揮  
斤。顧謔駑駘敢辱孫陽轉盼伏願三台鴻照群工  
徙倚官墻八座雄飛聖主對揚閭闔共祝初蘭委  
佩依稀繁李穠桃值茲榮蒞之辰媿拂摠衣之願  
敬頽荒梗少罄愚踪伏冀垂炤莞存曷勝光榮雀  
躍遙瞻左右臨楮竦息

西蜀文翁循吏 文翁為蜀郡太守起學宮于  
成都選下縣子弟以為學官子弟由是大化至  
今巴蜀好文雅皆翁之化也 瀚海屬大州即  
土魯番地也 沙磧唐太宗詩瀚海百重波陰

山千里雪 大宛求 漢書貳師將軍李廣利斬  
大宛五首獲汗血馬來作西極天馬之歌曰天  
馬來從西極涉流河九夷服 倚徙遷也倚  
立也躡跼不進之貌 摠衣禮記摠衣趨隅疏  
漢時受學有摠衣前講之法 王氏傳摠衣升堂  
頌禮甚恭 王安石詩摠衣最出諸生後倒履嘗  
傾廣座中 數車對 漢石慶為太僕卿上  
問車中幾馬慶以策數馬舉手對曰六馬  
候大理屠太凡啓 許以忠

伏以廷尉勳高瞬息掌絲綸之美郡員政滿旃幪  
叨桑梓之陰譽尤愧積三年馳候敬申一札恭惟  
台臺鄉黨推尊巖廊倚重箕裘相業藐萬石於彈  
丸黼黻阜猷踐三台於咫尺矢丹心而捧日伸赤

手以擎天。欲司商鼎於楓宸。暫借于公于棘寺。九章評讞。獨垂哀矜。勿喜之情。百姓無寃。共養清淨和平之福。寰宇籍平。反而頌德。囹圄從空。寂以興歌。蓋貫索星沉。業弼畫裳之化。則如綸命下行。調玉鉉之元。某挈飛智短。治郡才踈。拮据覺五枝都窮。荏苒忽三年已滿。眼前無善狀。誰道素餐天上。有故人。或加青盼。倘徼再造。曲俾瓦全。寔感榮施。當圖環報。坐冗久。既馳候瞻。依附問興。居不盡長。懷統惟台鑒。

箕裘記良治之子必學為裘。良弓之子必學為箕。萬石君傳奮長子建。次甲。次乙。次慶。皆以純行孝謹。官至三千石。于是景帝曰。石君及四子皆二千石。人臣尊寵。廼舉集其門。號奮為萬石君。嚴延年傳。延年兄弟五人。皆有吏材。至大官。東海號其母曰萬石。嚴嫗馮勤傳勤曾祖父楊。宣帝時為弘農太守。有八子。皆三千石。趙魏間榮其號曰萬石君。唐張文瓘四子。潛魏州刺史。沛同州刺史。治衛尉卿。徙殿中監。父子皆至三品。時謂萬石張家。荏苒音稔。染韻會猶侵尋也。文選荏苒代謝。又百年信荏苒。又履運傷荏苒。又荏苒冬春謝。杜詩風塵荏苒。音書絕韓詩徂歲。嗟荏苒。

候南戶科黃公啓

吳明郊

伏以陪都雅鎮。垣梧楊北斗之輝。冊府弘開。諫草

底南風之阜興圖增壯。朝綬交歡恭惟台臺望重。清班才優名世。幻身玄度。襟涵千頃之波。氣吐廣陵。濤散一江之錦。惟矢孤忠而結知明主。乃從衆舉以寵拜。夕即西北事紛。軍餉籍條陳之疏。東南力竭。民生資接濟之章。大舉犬牙馬齒之規。獨嚴管轄。益徵秋月冰壺之操。備致頌颺。蓋丹鳳鳴朝。業自地坦而鳴盛。則金鑾頒命。即由台座以升華者也。某賦材全拙稟性半癡憶昔豫章頻領提衡之教只今京兆尤懷覆露之私時當試典以告成

謹庀賢書而敵覽。鯉魚將敬。聊傳尺素于江南。燕省騰歡。殊慰寸心于冀北。統惟台鑒。寔切神馳。

諫草杜詩避人焚諫草

幻身玄度玄度許詢

子與遠公等為方外友

廣陵濤枚乘七發將

以八月之望觀濤于廣陵之曲江

候勸遼薛督臺啓

吳明郊

伏以懋著周功。上國重衮衣之觀。雅隆冠望。北門嚴鎖。鑰之權。况承中外。幘幘未展。涓涘報稱。久慙疏節。聊布勤渠。恭惟台臺。宗克居州。靈苞灌海。壘篋競爽。齊鳴盛治之音。鼎鼐調和。世重元公之望。

擬啟金甌而大拜。暫頌赤舄以東征。遼海澄清。浪  
靜鯨鯢之窟。薊門震赫。塵消獫狁之蹤。喜今王輅  
龍藩甫然過化。未覩民家易市。允矣綏寧。具呼恩  
澤以籲天。頃沸懽聲而動地。某猥從執役。幸屬提  
衡。晤台範于潞河。籍慰瞻依之念。辱惠施于途次。  
益興銜結之思。謹馳一介。以情名敢叩三台而候  
祉。仰祈鑒照。曷勝敷宣。

北門鎖鑰宋以寇準知天雄軍契丹使嘗過大名謂準曰相公望重何故不在中書準曰主上以朝廷無事北門鎖鑰非準不可耳  
薛居州也  
灌海屬寧波定海縣海中有石柱

屹立水涯。于此舟過。必接以物。風雨將作。濤聲如雷。  
鯨鯢王業為荆南守山無蝮蛇豺狼川無鯨鯢風波不動  
獫狁詩獫狁孔熾我是用急注獫狁即獫狁北狄也  
候李淮撫啓  
許以忠

伏以借上相以臨戎。試黃閣調元之手。憇東山而  
寄興。繫蒼生屬望之心。籲天早應蒲輪。特地敬申  
竹簡。恭惟閣下蟠根仙種。發藻神臯。雲護紗籠。罩  
姓名於天上。霜飛繡斧。榛節制於淮南。憲府弘開。  
元勳丕著。鑛後議停於金斗。國脉斯培。逆囚擒戮  
於彭城。人心最快。宅如戢貂璫。以收權。猶然列俎

且以祝尸。此仗守勤為長城。業奠東南之半壁。詎意温公思各杜。暫尋泉石之初盟。率土瞻依舉朝延。其謬以編氓之承屬吏。青龜無恙。曾叨獎與之嘉墨。綬載分。弥矢結。啣之報。雖堂階迥隔。不敢以上通。惟巖石具瞻。難容以中止。謹馳一介。恭叩九閭。伏願勤思。憂賚藉慰。宸知銀詔。密頒原是家傳之舊典。金甌一啓。即承枚卜之新恩。

蟠根仙種。上古老。脯其母懷。孕三年于李樹下。逆左肋而生。遠指李為姓。杜詩仙李蟠根大。紗籠唐卜者胡蘆生卜筮甚驗。李藩嘗問之。生曰貴人也在紗籠中。藩問也。由終不復言。後有

里中言凡宰相宜冥必潛以紗籠護之。恐為異物所擾。潘默嘗卜所言後果拜相。廬州分野處有金斗驛。視尸莊子子胡不相與尸而祝之。祀而祀之乎。李勣長城。唐書太宗曰。煬帝不擇人。戎邊勞中國。築長城以備虜。今我用李勣守并穴。厥不敢南。賢于長城遠矣。百樂天集。倚為長城。永固中夏。柳文。隱然長城。朝野倚賴。又萬里長城九重安。唐詩。天與三台座。人當萬里城。杜牧詩。用賢無敵。是長城。龔茂良啟。欲得君重耳。隱然大國之長城。無以公歸。今用作蒼生之霖雨。

啟開府郭

鄧宗齡

伏以洪德世膺。素重斗山之仰。耿光在望。未申堵城之承。良切傾心。無由假翼。恭惟台臺三朝明德。

八閩偉人。文章海內。宗工勛業。巖廊柱石。建牙開府。大恢掀揭之猷。仗鉞專城。茂著蕩平之績。凱歌振而嶺海春生。旗影飛而粵天彩應。號令等雷霆共震。仁恩與造化爭流。海國日長。乍識華胥懿景。村局夕靜。頓回太古醇風。此五百年間世之英信。億萬載蒼生之慶精神。已協於枚卜。而端揆簡在於帝心也。某遐阪末品。樗櫟散材。曩先人備數於名邦。幸叨夙雅。肆小子濫竽乎藝苑。遂沐恩私。仰佩寵光。俯慙際遇。恭裁尺疏。少布下悰。遠望招搖。

日極轅門之彩。上瞻珠斗神馳台位之光。

階城城階甃也。西都賦左城右平。重軒三閭。西京賦右平左城。青鎖丹墀。景福殿賦其西則左城。右平。講肄之場。注城者為階級。言其級。勒城然。城倉歷切。凱歌凱歌軍中樂。周禮所謂軍大捷則歌凱歌。招搖北斗第九星。為招搖。畫之旗。以前驅也。文選建玄戈樹招搖。淮南子招搖指寅。轅門項籍傳諸侯將入轅門。注軍人以車為陣。轅相向為門。故曰轅門。

啟趙開府寧宇

鄧宗齡

伏以憲府弘開。錦帳春風。依紫極中臺。望重金貂。厲日照用。冥儼劔履於前。旄平生山斗。望星纏於下幕。中夜台垣。慙趨步之未能。慶依歸之有自。恭

惟老公祖大人臺下。五岳奇姿，千秋間氣，合德兼資。文武壯猷，式重藩宣。持憲分符，昔茂勲庸於嶺海。登臺受鉞，今瞻法象於閩天。詢哉盛世之干城，允矣駿邦之元老。乃如宗齡者，稅林末品。學圃凡流，列籍里中。幸荷春臺覆露，側名仕版。猶依白簡，飛霜拜榮。戟而銷魂，閩閩晉安之月。跋轅門而極目，迢迢長樂之雲。尚阻執鞭，遙附素書。而踴躍願言聽履，跨叅屨杖。以摠迎爰修，筐篚之儀。聊佈曝爾之悃，縷衷莫罄。副楮再陳，伏望溫涵。曲垂恩庇。

金貂漢官儀侍中冠武弁大冠亦曰惠文冠加金鐙附蟬為文貂尾為飾故謂之金貂侍中插左常侍插右文選金貂搃上流干城詩趕趕武夫公侯干城執鞭史記伯夷傳雖為之執鞭所忻慕焉劉後村啟久願執鞭于平日何期歛板于下風

劉健菴撫臺啟

胡國鑑

伏以熙朝簡弼，九霄分節。鉞之權，元老綏猷。萬里重干城之託，跂瓊枝而念棟。瞻斗極以神搖，恭惟老先生閣下。宿望嶙峋，華勲雪煜。儲終南之秀，名世應五百載昌期。受北關之知，賡歌襄十三朝隆。理秉銓而日星竝朗，典禮則幽明允諧。顧茲長材。

方需以鼎鼐之寄。試厥英略。特畀以鎖鑰之司。惠撫瘡痍。薊門草色。爭舒日所揚鈴。柝邊微樹。頭盡帶霜。績樹無前。聲施有永。竊鑑品慙。夫下乘誼辱於通家。奔走風塵。際榮拜之期。弗獲躬申。燕賀還歸。曹署望駐。旌之所尚。圖遠致葵。忱虔馳盈尺之書。頰攄徑寸之耿。附貢輔儀。總斬汪宥。臨楮不任翹跂。踴林之至。

終南山名在陝西西安府中條山也。盧藏用初隱終南。人目為隨駕處士。司馬承禎還山。盧指終南曰。此中大有佳處。承禎曰。仕宦之捷徑。羊通家。孔融十歲謁李膺曰。先君孔子與君

先大夫李老君而相師友融與君累世通家

通候山東開府黃公啟

衛池

伏以帝眷承休。懷佳人而綏拊。宸聰寄邈。畀明哲以旬宣。感玉燭之調和。寔明良之毗倚。恭惟臺下。岱宗展采。億兆氓惠。洽扶風。閩海鍾靈。五百年賦才命世。馮齊翼魯。餘校壺散帙之清。奮武揆文。濟俠鉞。拳帷之美。况植蒲川桃李。春城無處不飛花。夙聽三晉歌謠。寒谷有情先解網。惟某民曹拙吏。西蜀豎儒。既嘗埃罪。長沙顧辱。推轂玉帛。自塵國



士之遇深慙故人之知方虞銜結未能今後度支  
作惡理先齋刺九叩崇塔顯指南願俟登龍一効  
追狐看逐北諸容晤對便奉傳宣

監儒漢記酈食其說漢王立六國之後王方食  
適張良至告之良曰畫此計陛下事去矣請借  
前箸為大王籌之王輟食吐哺罵曰豎儒幾敗  
乃公事注監儒謂童僕未冠者乃公漢王自謂  
推轂劉澤傳本推轂高帝就天下鄭當時傳其  
推轂士注言薦舉人如推轂之轉運也國之  
豫讓為智伯報仇趙襄子數之曰子事范中行  
氏智伯滅之不為報仇友臣智伯死子何  
為之報仇之深也讓曰范中行氏以眾人遇我  
故眾人報之智伯以國士遇我故國士報之韓  
信傳國士無雙追狐逐北即狐假虎威說也  
戰國策江乙對荆宣王曰虎逐百獸而食之曰

狐狐曰天帝令我長百獸今子食我是逆天命  
也子不以我為信吾為子先行子隨我後觀虎  
以為然遂後行百獸見皆走虎  
不知數之畏已反以為畏狐也

啟趙寧宇開府

鄧宗齡

伏以元老運壯猷勳庸夙著於閩海大君嘉丕緒  
簡陟特隆於薊天懽聲迭應乎鉦鏡曉色交縈夫  
節鉞士林翹首輿望欣心恭惟臺下一代鉅公三  
朝碩輔東南之鎖鑰久借伏波西北之翰鈴尤資  
克國九列之具瞻增重三輔之重業維新方虎用  
于城乎周疆夔龍仍翼贊夫虞室其雅明下走倍

結深權欲躬展夫賀枕繫職難遂謹手披夫啟狀  
附使代將惟冀洪涵特壘遠炤

鉅鏡軍法卒長執鏡小鏡也

伏波漢馬援有

子徵側徵貳反拜援伏波將軍賊大破封新息

侯援自交趾還載薏苡一輛及卒有上書譖之

者謂前所載皆明珠交犀上怒援妻子不敢言

喪還舊瑩但薏苡薺而已

克國漢趙克國善弓

射沉勇有謀與權先定策立宣帝封營平侯我

零入寇克國時年七十有六上使丙吉問誰可

將者對曰無踰老臣遂擐甲而往計平西羗國

麒麟閣

### 周撫臺啟

撫臺

胡國鑑

伏聞榮戟初臨河山載震藉萬間之鴻芘慶溢維

乘奉三獨之巖瞻愛深几馬恭惟臺下謀猷照映

道德冲融勁直凜霜雪於龜臺豈第回陽和於春

籥榮逾百辟憲總三吳凡稱宇下之氓竝荷鍾中

之造舉朝欣藩垣之有托天子倚楨翰之方隆江

左褰帷甫觀風而布德殿頭奏草遽引例以鳴謙

壁是連城詎寧虞於瑕類海雖善下彌益見其淵

泓一丹三命而循墻直追孔父之芳躅二十四考

以當軸矜席汾陽之遺麻

某  
宇下左傳况衛在君之宇下而敢有異志又大  
國在敵邑之宇下是以告急注屋宇之下喻近  
也世說庾太尉少為王武子所知庾嘗曰居其  
宇下令人忘寒暑三命循墻左傳一命而後  
再命而趨三命  
而俯循墻而走

○意中○蠲煙○直稟霄雲○公斷臺豈策○回期○時金春  
乘奉三爵之巖訓愛彩八鼎恭對臺干指指照鼎  
升開築綽呼朝既山薄雲蘇萬間之斷英變盡盡  
周無臺如

時國鑑

啟劉健菴撫臺

胡國鑑

伏以績赫屏藩課冠百僚之右恩流宸極慶敷奕  
世之輝朗溫制於麟臺鬯英譽於虎帳纓綏喜挾  
簪履芬香恭惟翁臺百二儲晶九五疑渥遭大有  
為之主奮不世出之猷建牙而鎮乃邊疆風靜漁  
陽擊鼓策助而衛茲甸服霜生幽薊干城夙膺眷  
注之隆業介崇竑之祉載觀報績游荷馳綸晉以  
總攬憲維煥柏垣之氣象兼以蔭錫胤祚延槐城  
之芳馨雖三命循墻具疏昭孫膚之嫩迺九霄湛

卷二 五十一

露宣諭見彤弓之誠史冊有書燁然盛世酬功之  
遐典。彈冠有慶休哉清時稽古之殊榮。某叨廁藥  
籠聳傳瑤誥。寧勝燕雀之賀厦。聊同蟋蟀以嗟秋。  
所願烈媿汾陽。歷中書二十四考。將釐追召虎。對  
王休百千萬年。某無任踴躍瞻懷之至。

麟臺三輔黃圖未央宮東有麒麟殿藏秘書即

楊雄校書之處也唐書龍朔三年改秘書省有曰

蘭臺垂拱元年曰麟臺太極元年曰秘書省

鼙鼓騎止鼓曰鼙亦作鞞藥籠唐書元澹謂

狄仁傑曰下之事上譬富家儲積以自資也脯

脂膜膜以供滋膳參苓芝桂以防疾疾門下充滋

味者多矣願以小人備一藥石可乎仁傑

笑曰君正吾藥籠中物何可一日無也

擬通候直指嚴侍御

衛池

伏以日月熙明千古燭殿中執法雷霆掣激萬方

隆柱下惠文是以嶽撼省方聲蜚象魏恭惟臺下

毘陵毓秀東壁凝精稜震皂雕罅漏堂堦焚艸霜

飛白筆扶搖臺閣生風海岱起震懼之萌郡邑多

屏營之吏當塗新夷坦有如都下埋輪瀕海儵澄

清無負齊東攬轡行看佩委歸正朝端一代哲賢

九重柱石也益州賤子版部尸臣捧檄度支續

貂尊次自量才難會計賴顯雅况皈依尺書攄而

文寶... 卷二... 五十一

下悃先通三覲侯而嚴程惟命臨裁耿耿可任依

殿中執法陳咸傳內執法殿中續百官志舊制  
 監察御史在殿中舉察非法通典魏蘭臺遣御  
 史二人居殿中伺察奸非孔帖殿中侍御史掌  
 殿庭供奉之儀惠文張敞傳當以柱後惠文  
 彈治之印注秦時獄法吏剗柱後惠文言欲以  
 刑法治梁晉書輿服志趙惠文王所造因以為  
 名亦云惠者螭也其冠文輕細如蟬翼故名惠  
 文埋輪張綱傳順帝漢安元年選遣八使巡  
 行風俗皆耆儒知名多歷顯位唯綱年少官秩  
 最微餘人受命之部而綱獨埋其車輪于洛陽  
 都亭遂奏梁冀梁不疑無君之心十五事書上  
 京師震竦攬轡漢范滂登車攬轡慨然有澄  
 清天下之志續貂晉書趙王倫傳倫僭即帝  
 位諸黨皆登卿相竝列貂蟬其餘同謀者奴卒

斯後亦加爵位每朝會貂蟬盈座  
時人為之諺曰貂不足狗尾續

啟侍御鐘文陸

鄧宗齡

恭惟門下中臺偉望昭代魁人白簡批鱗孤忠篤

九重之眷赤墀擁豸風采聳百辟之觀頃者攬轡

中原褰帷東魯惠觴泰山之蒸雨而隨地皆春明

感齊國之飛霜而無冤不雪自是士林華弁奚啻

東土法星不倭某久慕高標夙仰令譽方以乘驄

問俗之日請謁為無由豈意折簡相存之思邀惠

為過甚孟公之結客尺牘足珍鄭相之禮旅一餐

是念矧於明公曷以為情也。謹陳鄙悃，仰謝台慈。

法星熒惑也。執治之星。孟公結客後漢陳遵字孟公，好結客，每宴，撤投轄井中，客雖有急，不得去。注：轄，車軸頭鉄也。

與張覺菴侍御啓

張邦俊

伏以楓宸宣綽，光膺猷納之司。栢府垂紳，榮晉激揚之地。九重倚重，八表懽傳。恭惟老大人亭下氣節，凝霜半神麗日。道先民覺忠結主知，簡在于宸。秉徵居夫柱下，風生白簡。共欽鳳采于梧桐，霜肅青囊。誰採虎山之藜藿，輪埋輦轂。百僚震聳，紀綱

明轡攬越，吳一路澄清。清山岳動，久著聲于持斧。雅蒙眷于負宸，行躋台斗之高峰。佇使乾坤之清泰，某也材非寶樹之匹。幸依枌梓之微，三台翹首。無能披闔闔之雲，千里馳神。有意望樓臺之月，和羨調鼎。常為天子親臣，當軸秉衡。永作門人宗主。敬陳尺素，敢竭寸丹。伏惟涵鑒，罔既披星。臨啓不勝瞻依之至。

猷納：杜詩猷納司存，雨露遼文選。朝夕猷納。

青囊：晉郭璞字景純，博學而妙于陰陽曆筭。有郭公者，客居河東，精于卜筮，羨從之受業。公以青囊中書九卷與之，遂洞五行天文卜筮之事。

虎山藜藿蓋寬饒傳山有猛獸藜藿爲之不採  
國有忠臣姦邪爲之不起趙彥端啟鵬鶚橫秋  
但聳藩籬之望山林猛獸庶全藜藿之生  
樓台月宋范父正公如杭州蘇麟爲屬縣巡檢  
未爲收錄獻詩云近水樓臺先得月向陽花木  
易爲春文正薦之

上張屯院啓

許以忠

伏以朝端碩輔千秋懸金鑑以重光海上微員萬  
里盼玉駟而思訊分雖固隔於天壤唐突奚堪知  
量實比於江河朝宗弗靳敢憑十墨敬布片丹恭  
惟台臺華嶽仙胎曲江相度龍泉佩德雖雄氣吐  
衝星鵲印開祥忠孝侯封指日最績先崇於花邑

憲綱遂秉於蘭臺察吏炯雙眸文武百原貞度擎  
霄伸隻手東南半壁增雄謹言望闕以遙陳復覩  
回天之玄素亮節匡時而盡展爭誇夾日之東之  
勲已懋於南都望獨高於北斗瓜期正及芳踪僅  
數月少留芝檢行頒大拜在五雲多處某不揣么  
廢妄塵私淑自慙苦李道旁誰賴以成蹊常與甘  
霖天上或垂而覆露韓荆願識矢心輕萬戶之封  
彌刺欲投翹首望三台之鑒倘荷中涓不離庶俾  
下吏有輝

曲江相度唐張九齡字子壽曲江人武惠妃謀  
 陷太子遣官奴誘公援叱去之玄宗千秋節獻  
 金鑑錄以寓規諷上每訪士必曰風度得如張  
 九齡否安祿山方用事九齡請小誅之曰亂幽  
 州者此胡雛也世號賢相稱曲江公而不名  
 回天玄素張玄素傳太宗欲修洛陽宮左庶子  
 張公素諫止之魏徵聞之曰張公論事有回天  
 之力苦李王戎傳嘗與羣兒戲于道旁見李  
 樹多實群兒競趨之戎獨不往或問其故曰樹  
 在道邊而多實必苦李也取之信然禍刺禍  
 衡有才尚氣遊許下陰懷一  
 刺而無所通至于刺字漫滅

回天之玄素京相璠而盡其年結夾日之東之  
 霄軒雙手東南半壘曾賦驚言望闕以金刺外賦  
 意臨之集以蘭蕙素吏賦雙親文苑百原貞雙攀

與張覺菴侍御

陶朗先

伏以威高石室霜飛簡上之花望重虎門星映臺  
 中之栢羽儀殿陛肅憲官僚恭惟台臺鍾靈五岳  
 炳燿二儀綜金薤之琳瑯軻雄蘊籍煥卿雲之黼  
 黻周召才華劍閣聳千尋勁節干層霄而竝峙錦  
 江澄萬里英詞濯濤浪以俱傾養湛木雞際秋飈  
 而矯翰聲蜚繡虎逐春霧以舒鱗大力鎮浮允矣  
 擎天偉幹挺身任重居然柱世闕林名紀禁屏望  
 鑾御座特拜漢廷綸綽爰駿桓典乘驄白筆奏彈



章正氣扶乾坤于不朽。朱衣封諫冊。忠謨揭日月。以重光。自簡清朝之鳳聲。入丹霄。不見當道之狼蹤。橫白晝。威徹寰區。眷隆黼宸。先借山岳動搖之地。整肅朝綱。徐握鼎彝調和之柄。匡扶日較。朗先樸檄。凡材簿書俗吏。天假夙緣。幸席登龍之願。地睽遠。屈彌殷倚玉之思。謹布荒穢。蕭陳薜。悃伏。祝台鑒。俯賜汪涵。臨啓倍萬馳恋之至。

威高石室。要畧御史中丞。有石室藏秘書。圖識之屬。唐制烏臺峻秩。望摠銖冠。蒼佩崇班。威高石室。朱帷霧徹。暫州縣之勞。自簡霜飛。宜屏權豪之氣。名紀禁屏。唐書太宗嘗曰。治民之

本莫重。于刺史。故錄刺史名姓于屏風。綸結禮記。王言如綸。其出如綽。喬玉。世說。毛曾與夏侯玄。共坐時人。謂之蒹葭倚玉樹。

候周適少侍御啓

許以忠

伏以秉憲南臺。擊楫沛澄清之化。領麾東海。瞻雲興覆庇之思。千里莫繇。把臂一函。聊代譚心。恭惟台臺才雄。左馬性類。夷魚噓氣。九霄掩映。岷峨之峻吐詞。三峽倒流。灩澦之瀾。精忠結楓。陞殊知華秩。晉蘭臺妙選。袞衣赤舄。加豸繡以增威。瑣禁青蒲。含鷄香而吐氣。天倉司鎖鑰。潛消鼠竊之踪。江

渚靜波濤。坐鎮龍蟠之地。炯雙眸而察吏。文武咸  
欽。伸隻手以擎天。東南永奠。既積膚功於王室。卽  
調元化於台垣。不佞某。遐方俗吏。部曲編氓。覲德  
醉心。公瑾醇醪。曾快飲吟風弄月。濂溪光霽。復睽  
違。曠罪良多。書不盡南山之竹。積懷欲展。采將來  
東海之芹。薄言惟異。鑒存原慰。曷勝感激。

鷄香。應劭漢官儀。尚書郎含鷄舌香。代奏事黃  
門。卽對揖跪受。故稱尚書郎懷香握蘭。六典。欲  
使氣息芬芳也。舊說漢侍中。刁年者。口臭。出  
鷄舌香。使含之。遂成故事。  
濂溪光霽。宋周惇  
頤字茂叔。號濂溪。胸次灑落。黃魯直曰。春陵周  
茂叔。人品甚高。胸次灑落。如光風霽月。

與張覺菴侍御啓

殷宗輔

伏以。其棠蔭遠。仁聲德化。猶翔古栢。風高蜃彩。瑞  
烟常嫋。喜沐膏乎往日。永啣結於當年。恭惟台臺。  
偉抱夙成。英標特立。靈涵河洛。文騰霸水之驪。秀  
毓荆岐。瑞起秦川之鳳。九農歌綠野。恭雉興諶。五  
教範青衿。召棠益詠。詔乘驄馬。總非堯舜。不陳借  
重清。巖因笑孔。素失計。兩浙解南風之愠。烏府生  
輝。三台調北。闕之美。螭廷虛席。宗輔分居。編戶恩  
比戴。天人乏近。承遂覺龍門地峻。斗樞雖遠。時瞻

豸憲星寒。第楛楛旱災。不克薦芘私于既往。而計  
偕歲覲。敢遠析樾蔭於方來。謹貢荒緘。薄陳駑悃。  
伏惟崇炤。曷任瞻依。謹啟。

農歌綠野。東坡詩。雨後有人耕綠野。月明無犬  
吠花村。孔桑失計。漢紀。元朔四年。用孔僅爲  
大農。領鹽鐵事。桑弘羊以計筭。于是民不安生。  
咸起怨望。計借武帝紀。徵吏民有明當世之  
務。習先聖之術者。縣次續食。令與計借。注。計者  
上記簿使也。令所徵之人。與上計者俱來。

一 候屯馬張侍御啓

許以忠

伏以南臺秉憲。驚山嶽之動搖。東海承流。籍雲天  
之覆庇。仰龍光而馳恋。裁鯉素以將虔。恭惟台臺  
冒蟠華嶽。氣壯秦關。天作帝師。何必授書於黃石。  
家傳相業。自能洗日於虞淵。花城歷懋。循聲柏府。  
更嚴法紀。獻納具關。國計激揚。最快人心。威肅臺  
烏。令行屯馬。指揮憑繡斧。帳前開百萬。貔貅驅率  
執朝鞭。野外臥三千。駉牡蓋輪埋都市。亢宗美之  
重熙將位。列台垣使皇猷之常潤。鍾彝紀烈。涇渭

流香。某受塵下里。徼蔭上台。到處巡行。化日映其棠。而留愛。別來瞻望。暮雲聯春樹。以興思。顧姓名未徹於司閤。久慙疏節。將肝膽盡傾于裁牘。聊致遐思。仰冀俯容。曷勝感慰。

一授書黃石張良傳良嘗游下邳地上有一老父至良所墮其履地下顧謂良取履良取履跪進交以足受之曰孺子可教矣出一編書曰讀是則為帝王師後十三年見我濟北穀城下黃石即我也洗日虞淵於仁傑贊取日虞淵洗光咸池潛授五龍夾日以飛三千驂牲詩秉心寒淵驂牲三千

與張覺菴侍御啓

陳淙

伏以鷓造近龍光。太微一星輝北斗。鸞翔聯鶴立。西臺列宿耀中台。世道攸閑。輿情允係。恭惟台臺。華岳鍾靈。秦川毓秀。夢遊吐鳳。揮華國之文章。志切批鱗。展回天之手段。階中屈軼。朝端振肅威。稜柱後。惠文天下。想聞風采。裁冠栢府。鳴珮楓宸。几屬弁紳。咸推領袖。此日螭坳。珥筆竚看鳳閣。秉衡門生。某檇櫟朽林。江湖未品。芳鄰聽玉塵。幸借寵於龍章。下國綰銅符。更竊輝于鳳彩。萍梗雖分。

爾地蓬蒿實戴二天。化雨無私。葑菲願歸恩于春。色板雲有自。鷓鴣敢假翼于秋風。荒緘妥愧七襄。鄙意頻懸萬里。伏祈崇炤俯答消衷。臨啟曷勝欣忭翹企之至。

吐鳳揚雄作甘泉賦成夢吐白鳳。屈軼草名。堯時植于階下。凡侮人入必指之。螭均螭抽。知切說文。若龍無角而黃。切久交切。額會地均。也不平也。莊子置杯水于均堂之上。增額亦作。凹宋趙彥衛雲麓漫抄。唐制起居舍人在紫宸內閣。則夾香案立殿下。直第二螭首和墨濡筆。皆即均處。號為螭頭。所謂螭首蓋殿陛間壓階石上。鑄鑿之飾。今僧寺佛殿多有之。或云唐殿多于陛之四角出石螭首。不應史云殿下第二螭首也。周必大啟自秉螭均之筆。即裁鷓鴣閣之。

文 鷓鴣 莊子鷓鴣巢于深林。不過一枝。元 啟 鷓鴣之有五枝。深愧已窮鷓鴣之巢。一枝庶幾可託。

候山東左方岳沈公啟

衛池

伏以姑蘇萃秀。協推天下哲人。明世綦隆。偶叶夢中良弼。相成作觀。仰答昇平。恭惟臺下。器聳雲霄。名崇山斗。操文衡於關陝。穠桃郁李。在公門。攬憲度於益州。玉壘錦江。流濺澤。推轂幾年。皆鎮靜。握節齊東。曳裾終日。盛文儒。運籌幄內。快觀彤墀。嘉惠行看紫陌。鳴珂正朝廷。以正百官。利田正而利。

汝讀長函 卷二 六一

五土若某也。司農下吏。摘句迂儒。辱命分曹。自慚委吏。賴範圍之有在。敢竭蹶以犇趨。特奏先容。願翁後進。將函書往。可任神馳。

謂聳聳雲霄。唐書房玄齡。幼聰敏。五歲能讀毛詩。高孝基謂裴矩曰。僕觀人多矣。未有如此。即者必為偉器。但恨不見其聳聳。昂霄耳。宋錢若水有人倫之鑒。與王旦同列。每曰。王君凌霄聳聳。棟梁之材。非吾所及也。嗚珂。唐車服制。五品以上。有珂。傘珂。朝馬飾也。馬行則响。謂之鳴珂。服虔通俗文。勒飾曰珂。尔雅。翼員大者。珂黃黑。色。其骨白。可以飾馬。在詩。興在驪駒。白玉珂。薛詩。送以紫玉珂。六曹曹署也。分輦而出。位使也。岑參詩。分曹限此系微。

上廉憲程公啟

衛池

伏以時逢泰運。福星燦爛於天中。景際昌期。台宿輝煌於江左。八面既消烽火。兩河頓起瘡痍。黔首騰歡。物色生能。恭惟台臺。蜚英寰海。總憲夷梁。雷動風行。嵩少豺狼遁迹。陽和日煖。汴洛草木生香。萬氓歌秋月。冰壺八郡沐春風。化雨綱蕭。紀振鑑空。衡平。即丘園草芥蓬蒿。願天錫陽春德澤。若某也者。心懷脫穎。志切請纓。伏望俯賜甄收。以慰景仰。庶敗垣塊土。畧充填坎之需。柳胃外餘枝。稍收

撥厨之效。蕪詞荒獻。臨啟冰兢。

嵩少河南府嵩山即中嶽東曰大室西曰少室有少林寺在少室之北麓後魏時建講堂后有立雪亭即惠可侍達磨雪深至腰處也  
錢起詩陽和不散窮途恨霄漢堂懸捧日心  
請纓漢書終軍自請願授長纓繫南粵王首編致之闕下滕王閣序無路請纓等終軍之弱冠  
候温處道大叅

吳明郊

伏以衮龍補闕拾遺。夙仰于仲山符虎遙。頌分陝。咸誇于召父敬陳一縷。虔候九閣恭惟臺下。天縱才華朝稱楨幹。文光搖蜃氣樓臺。結影煥空中草。詔入鸞坡翰墨騰輝。榮闕下素伏蒲而揚聲骨鯁。

旋建節而作鎮。股肱仙巖山傍。豎霧旗威嚴憲紀。歐越城邊。停畫軾恩普民暑。箸借席前。磐石奠東南之鞏固。檢裁禁裏。鈞衡需左右之助功。兩淞觀先八閩籍彩。不佞夙願執鞭竊慶李車而得御。初將弛擔。卽懷芝字以翹瞻。奈百冗之勞。人未三薰而遣使情隨流水。水攄析浩納于春江。儀等微塵希同獻曝于冬日。伏惟鑒悃曷任傾心。

拾遺漢汲黯武帝時出為淮陽太守黯泣謝曰出入禁闥補過拾遺臣之願也上曰君薄淮陽耶淮陽吏民不相得吾欲君臥而治之耳  
孤山屬温州府瑞安縣道畫第二十六福地岩

際有龍鬚潭。在雷潭之上。相傳黃帝乘龍飛昇。時有鬚墜。故名。畫軸漢制太守畫雙熊于軸前。執轡司馬遷晏子博贊假令晏子而在吾雖爲之執轡所忻慕焉。地擔左傳羈旅之臣弛擔于負擔。君之惠也。

畫車青鬃赤木。謝詩。謝亦曰。千春。武謝等。謝寒。帝  
 兼。謝詩。唱對芝。牢。以。騭。謝。奈。自。尔。之。後。人。未。三。薰  
 宋。八。閩。蘇。沐。不。封。鳳。鳳。持。蟬。蘇。李。車。而。時。晉。亦  
 甫。之。筆。固。針。鍊。禁。東。陸。渝。雷。亦。亦。之。回。也。兩。陣。購  
 烟。越。越。戲。斗。畫。輝。恩。晉。只。魯。普。前。南。樂。下。真。東  
 炎。裝。曾。而。扑。懸。翅。胡。山。嶺。山。對。望。靈。真。其。風。氣。靈。張

候台州楊府尊啟

代作

虞邦譽

伏。以。赤。城。霞。起。建。標。偕。孤。鶴。齊。飛。玉。峴。雲。浮。展。蓋。  
 與。雙。熊。竝。耀。銜。齋。猷。彰。郡。邑。騰。懽。恭。惟。台。臺。儲。精。  
 斗。北。疑。儼。關。西。清。白。識。家。傳。已。兆。御。鱣。之。象。太。玄。  
 看。世。重。夙。占。慶。鳳。之。才。金。馬。詔。開。早。榆。魁。於。異。北。  
 玉。麟。符。剖。遂。分。牧。於。江。南。天。姥。峯。頭。五。夜。夢。懸。仙。  
 子。桃。花。洞。口。三。春。解。識。漁。人。襟。懷。寒。湛。水。壺。蒸。鑑。  
 清。裁。玉。尺。隨。車。麥。秀。春。翻。二。隴。之。雲。臥。閣。花。深。夜。  
 對。重。門。之。月。某幸。依。翼。下。喜。出。頰。間。百。里。當。官。用。



效鳴。葉之治。三台服吏。應慙製錦之工。驅馳寧後。于駿奔。候訊敢先乎燕寢。敬陳蕪稟。代致芹私。按部。褰帷看二鹿並驅。日下還朝。賜履喜雙龍齊下。雲間。

赤城霞赤城山在浙江天台縣一名燒山其上石壁皆如霞色望之如雉堞然晉孫綽賦赤城霞起而建標 啣鱸漢揚震有鶴啣三鱸集堂前都講進曰鱸車服之象三法三台先生自此升矣果然 玉麟符隋樊子蓋傳為河東內史文大命留守東都曰杜稷大事終以委公凡可施行不勞形迹今為公別造玉麟符以代銅虎比之蕭何寇恂云 天姥峯屬天台縣與天台山相望李白夢遊天姥吟即此 桃花洞晉太康中布武陵人王道真者捕魚從溪行忽逢桃

花夾岸無復雜果山有小口行五六里豁然開朗邑屋連接鷄犬相聞男女見漁父舍皇驚疑為羨酒食云先世避秦難率妻子來此遂問何代不知有魏晉出白太守遣人隨往尋之遂迷路矣 三鹿並驅鄭弘為臨淮太守行春兩白鹿夾轂而行

候温州戴振宇太守

吳明郊

伏以露冕行春遙羨古諸侯之賢寵霞箋候祉謬邀下執事之清光虎轄歡騰鴻猷丕著恭惟臺下德器融明道襟淵粹書截玉牒曾探酉室于三冬籍春金閨聯檢元魁于兩榜典法輪而棟棘望重持平晉萃秩以披蘭名高敵替正欲長依北斗先



原件短缺

從○蹇○牧○東○甌○出○守○專○城○化○雨○秀○瑞○岐○之○麥○抱○兒○當○  
 戶○清○風○鋤○大○木○之○藎○蓋○此○日○試○蕭○月○下○歌○襦○聲○獨○  
 著○期○當○年○徵○波○雲○端○錫○璽○寵○非○常○不○佞○散○木○久○其○  
 于○櫟○社○微○員○昔○忝○于○花○封○國○課○攸○關○謀○策○驚○而○煮○  
 海○冠○裳○弗○彌○慙○維○鴉○以○在○梁○徒○屢○敗○北○之○羞○益○切○  
 指○南○之○教○情○為○冗○奪○臨○風○詩○咏○于○冲○冲○心○冀○台○原○  
 就○日○箋○通○于○款○款○倘○得○俯○垂○炤○只○庶○能○少○慰○怒○如○  
 下○執○事○左○傳○阿○下○執○事○瑞岐麥後漢張堪為  
 漁○陽○太○守○民○歌○曰○桑○無○附○枝○麥○秀○兩○岐○范兒  
 當○戶○漢○龐○參○為○漢○陽○守○郡○人○任○棠○有○奇○節○參○候○  
 之○棠○不○與○言○但○以○薤○一○本○水○一○盂○置○屏○前○抱○兒○

色○重○門○侍○女○數○十○人○公○曰○我○仙○人○也○見○謫○暫○寓○  
 人○間○耳○保釐尚書以成周之衆命畢公保釐  
 東○郊○鄂○渚○武○昌○為○古○鄂○地○故○云○鄂○渚○即○楚○熊○  
 渠○子○繹○封○國○也○庾樓九江錄庾亮在武昌諸  
 佐○吏○殷○浩○等○乘○秋○夜○佳○景○共○登○南○樓○俄○而○不○覺○  
 亮○至○衆○將○避○之○公○曰○老○子○于○此○興○復○不○淺○便○坐○  
 談○詠○至○今○名○庾○公○樓○鸚鵡洲洲尾直黃鶴磯  
 劉○表○送○禰○衡○江○夏○太○守○黃○祖○祖○子○射○重○衡○一○日○  
 大○會○賓○客○適○有○猷○鸚○鵡○者○射○舉○盃○衡○前○曰○願○先○  
 生○賦○之○衡○揮○筆○立○就○辭○語○甚○佳○洲○因○得○名○江  
 夏○香○黃○香○傳○香○博○學○經○典○究○精○道○術○能○文○章○京○  
 師○號○曰○天○下○無○雙○江○夏○黃○香○

候堂翁啟

何薦可

喜○沾○化○雨○沛○專○城○得○際○千○載○之○奇○逢○益○遂○二○天○之○  
 藕○念○瑞○日○映○朱○幡○快○觀○德○星○懸○上○郡○鄉○雲○連○皂○蓋○

景仰偶茲力便敢以候聞。恭惟臺下名高西蜀品。重南金。品高玉壘。雅知溼徹瓊瑤。秀發錦江。頻令春來天地。筆吐五花于盛代。芥拾兩榜于丁年。含鷄舌之香。籌持軍國。佩螭頭之玉。望重斗山。以故帝眷維新。乃爾候封。特寄民歌來暮。童迓爭先。下車而撫字無遺。鈴閣寢三更燈火。及瓜而沾濡愈溥。太湖溢萬頃波瀾。已看加漢室麟符。竚見晉周公鳥履。某刻鵠象心。承蜩愧技。摘詞無當。謬膺封非之收。拜命何堪。實效鉛刀之割。不勝惶乎明允。

幸得倚于太丘。一龍在望。願隨塵以周旋。五馬分榮。慶枕鞭于咫尺。顧下里之未慚。猥短箋之是具。惟冀炤原。曷禁惶布。

筆吐花唐李太白夢筆頭生花由是文思日益  
芥拾夏侯勝傳勝為太子太傅每講授謂諸生  
曰士病不明經術經術苟明其取青紫如俛拾  
地芥耳青紫卿大夫之服  
刻鵠象心馬援戒  
子書效龍伯高不得猶為謹飭之士所謂刻鵠  
不成尚類鶩者也  
承蜩愧技莊子仲尼適楚  
見佞僂者承蜩猶掇之也顧謂弟子曰用志不  
分乃凝于神其佞僂丈人之謂乎  
天丘漢陳  
寔字仲弓為太丘令以  
德化民人稱為陳太丘  
候宋太府啟  
許以忠

伏以猷崇五馬。懽聲遙徹於長安。敬附雙魚。積悃  
 聊申於短刺。巖瞻在望。神與俱馳。恭惟老公。祖臺  
 下善。為楚寶德。本周楨家。學相承賦。明河而奪錦  
 科名。不愧登甲榜。以標纓勳。歷懋於朝班。位宜隆  
 於台輔。惟弘農重地。簡任承宣。而上相弘才。暫煩  
 出守。威風颺。畫戟重驅。猛虎以渡河。化日麗朱轡。  
 再護甘棠。而蔽野具慶。宋庠之治。諧尖世彌光。佇  
 膺波黯之徵。綸清朝大拜。輝騰當宇。彩映編閣。不  
 佞。五斗繫匏。一屣蒙蔭。鄉關飄渺。盼雲樹以興思。

台範瞻依。跋斗山而藉慰。謹馳赤牘。恭叩黃堂。仰  
 冀鑑存。寔深銘刻。

善為楚寶。楚書楚國。無以為寶。惟善以為寶。  
 賦明何。唐宋之間。求為北門學士。不從著明河。  
 賦以見志。未有曰明河可望。不可親。願得乘槎。  
 一問津。更將織女支機石。還訪城都賣卜人。  
 虎渡河。劉昆傳。昆為弘農太守。先是。嶺南驛道。  
 多虎。災行旅。不通。昆為政三年。仁化。人行。虎皆  
 負子。度河。宋均傳。均為九江太守。郡多虎。患常  
 募設檻。穿均曰。咎在。或吏其務。退奸貪。進忠良。  
 去檻。穿虎相與。東游。渡江。羅隱詩。虎知。應去  
 境。宋庠治。謹宋庠自鄉。舉至廷。試皆第一。  
 為名。宰相不。媿科名。香傳僧。綽子。琰。址為山陰。  
 令父。子。竝著奇績。世云。諸傳有治。縣。諸子。孫。相  
 傳。不。以。示人。

侯開封劉太守啟

衛池

伏以穎川循蹟億兆年名播提封。勃海流波二千石風生汗簡。茲惟侈口原自分符。恭惟老公。祖年海鍾靈。斟鄩毓秀。圖書衣鉢。家傳盛世。醇儒彝鼎。勲庸器續。熙朝良弼。素飽經天。緯地之術。雅負攝生。命世之才。孰云非絕代佳人。允若是明廷柱石。構忠剖竹。自鄴郡而陞梁夷。一路被和風。甘雨資治。急公舉邦。畿而臨。鄙屋衆口歌。白日青天。如某者籍。厠封疆。家承慧眼。媿官常之冗拙。久于踈節。

之辜。愚荒暴之緩圖。寧追擯。嗔之責。伏願少施豁度。鑒內微忱。伏楮肩干。可勝悚云。

提封。漢刑法志。提封。萬井。注。提封。舉其封內之總數。杜詩。提封。漢天下。二千石。循吏傳。漢孝宣由微而登至尊。興于閭閻。知民事之艱難。嘗稱曰。民所以安其田里而亡歎息愁恨之聲者。政平訟理也。與我共此者。其惟良二千石乎。注。太守秩祿二千石。衣鉢。邵氏聞見錄。范質舉進士。主文和凝愛其才。以第十三登第。謂質曰。君文宜冠。多士屈居十三者。歎君傳老夫衣鉢未幾。和入相。後質亦拜相。有詩云。從此廟堂添故事。登庸衣鉢亦相傳。剖竹。漢文帝初。與郡守竹使符。皆以竹箭。五枝長五寸。鑄刻篆書。第一至第五。顏師古云。各分其半。左右留京師。左以與之。漢制。有銅竹之異。剖而二之。一藏禁中。一以與將。凡用兵。必合之。而驗百孔。六帖。剖竹分符。

上郡守王公啟

陸德龍

伏以翼軫分躔。宇宙名躋。萃毓螺川。翕引乾坤。間  
 氣鍾靈。每快觀天寶物。華累贊承。臣賢主聖。恭惟  
 台臺安城。世胄昭代。備人薄海。佩慷慨之風。不撓  
 不折。中朝副剛毅之烈。無曲無阿。操槩立詞。壇倚  
 馬軼三都之美。分符爰河。朔比屋承庶績之熙。間  
 俗。舉帷群吏。願行春露。冕授壺散帙。庶氓亦懷惠  
 餘清。儲八座之風流。望隆開濟。擅十年之德誼。有  
 樹勳庸。惟其閑西豎儒。媿乏循良之術。河陽走吏。

顧濡包括之仁。深惟馱有二天。恪守分嚴。三事寸  
 心。知暴背殆將修。獻尊嚴一藻。潔攄忱特用承宣  
 鄙陋。願言莞頊。曷任光榮。

倚馬李林桓温北征鮮卑喚袁宏倚馬前作露  
 布文字不掇筆又李白嘗曰請日試萬言倚馬  
 可待三都晉左思字太冲欲賦三都締思十  
 稔始就張華見而嘆曰班張之流也于是豪貴  
 之家競相傳寫洛陽為之紙貴分  
 嚴三事韋賢傳於赫三事匪後匪作

擬侯岢嵐刺史王君

衛池

伏以飛黃電激。匪孫陽轉盼而疇知。瓦缶雷鳴。賴  
 匠石甄陶而自若。媿依簞簋。慙比蒲稍。恭惟某官

靈鍾汝滸。秀毓天中。三槐閎闕。家風五桂。詩書世  
胄。試對文章。禮樂彩徹。雲衢夢符。龍虎熊羆。光搖  
天闕。如某也。丘園樸樾。河朔凡庸。曾偕計待。詔公  
車。自負慙同。舟仙侶。載喜雄飛。絕勿能憐。雖伏洄  
溪。伏念五馬踏春臺。留都循良。籍甚庶氓。稱召父  
神君。卓異謠聞。適幸倅郡。隣封。思猶蚊負。不揣蕘  
葭。倚玉喜託龍門。倘不忽世。講之微願。罔惜提携  
之雅。趨踰跬步。感洽三生。蘋藻肅將。鵝毛比埒。如  
蒙莞頊。即戴欣榮。

飛黃電激皆良馬之疾行者飛黃似狐有五肉  
角春臺老子衆人熙熙如享太牢如登春臺  
召父神君召信臣爲河南太守躬勸耕桑出入  
阡陌吏人親愛號曰召父晉書良吏傳喬智明  
以德行著稱爲隆慮令民愛之號曰  
神君荀淑傳蒞事明禮稱爲神君

候太平府二公啓

吳明郊

伏以屏翰獨尊。得借龍飛之首郡。典刑漸遠。曷勝  
蟻慕之心。旌敬託郵筒。走塵台府。恭惟臺下。明堂  
杞梓。清廟瓊璜。桂殿榜開。獨步斗南之第一。楓宸  
符剖。咸欽江左。以無雙蓋。需武庫清霜。暫佐文邦  
畫軌。精光洞照。察奸而牛渚。燃犀。威惠交流。慕化



而○皦○磯○渡○虎○壯○軍○容○于○細○柳○千○群○飛○劍○戟○之○霜○膺○  
聖○眷○于○長○楊○一○旦○勒○鼎○彝○之○勩○歡○生○自○外○望○實○出○  
中○某○隣○壤○編○氓○泮○溝○棄○物○維○素○籍○彩○方○欣○天○作○之○  
奇○逢○行○李○增○輝○更○戴○雲○摩○之○雅○誼○漸○隔○關○疑○紫○氣○  
怒○若○調○饑○幾○迴○夢○到○黃○堂○倉○然○佈○帟○伏○祈○麾○頃○實○  
切○勤○渠○

心旌詩心如搖旌戰國策心搖搖如懸旌而無所終薄李詩羈心搖懸旌武庫清霜杜預為度支尚書號杜武庫言無所不有滕王閣序紫電清霜王將軍之武庫燃犀牛渚磯深不可測温嶠燃犀照之水族盡見夜夢人語曰與君幽明道別何故相逼遂病卒  
皦磯屬蕪湖大

江中皦老蛟也磯南有石穴廣丈餘其深叵測即皦所居黃堂漢書郭丹傳功曹推賢可謂至德敕以丹事編署黃堂以為後法注黃堂太守之廳事也吳郡國志吳郡太守所居之堂即春申君之子假王之殿也因數火塗以雌黃故曰黃堂  
候萬別駕  
何薦可

榮聲夙佩久欽日月清輝上座新瞻幸際風雲盛會得遂高山之仰敢陳下里之音恭惟臺下昭代名流洪都著姓鳴珂延世系看千年簪笏蟬聯冠玉擬丰儀覩百尺琅玕鵠立雄文成綺源深彭蠡之波正氣如虹光射豐城之劍早飛赤舄爰晉朱

幡爲慈父爲神君渥澤共奇花滿地若冰壺若藻  
鑑雅操並皎月當空政簡刑清已見群黎懾服民  
懷帝眷竚看九陛徵遷某賦形寔劣具德惟凉謬  
膺葑菲之收才庸自愧濫逐琳瑯之末品瑣應慙  
識不逮中人任何堪于司理士貴信知己庇得籍  
于附松戴重二天逢奇百世雖執鞭之日邇更望  
履之念殷短啟肅裁愚忱先致倘不鄙其謏陋異  
俯賜乎矧臨

下里音宋玉對楚王問客有歌于郢中者曰下里巴人國中屬而和者數千人其爲陽阿薤露

國中屬而和者數百人其爲陽春白雪國中屬  
而和者數十人引商刻羽雜以流徵國中雜而  
和者不過數人而已其曲弥高其和弥寡豐  
城劍張華傳初吳之木城也斗牛之間常有紫  
氣及吳平之後紫氣愈明豫章雷煥曰寶劍之  
氣上徹于天華曰吾少時有相者言吾年出六  
十仕登三事當得寶劍佩之斯言豈效歟因問  
在何部煥曰在豫章豈城即補煥豐城合煥到  
縣掘獄屋基得一石函光氣非常中有雙劍並  
刻題一曰龍泉一曰太阿其夕斗牛間氣不復  
見焉遣使送一劍與華一留自佩華  
曰詳觀劍文乃干將也莫邪何復不至

候嚴州李節推啓

吳明郊

伏以法紀星煌四境起平反之頌園扉草茂九重  
慰欽恤之懷翹首瞻闡齋心貢啓恭惟台臺玄黃

孕秀清白蜚聲家富牙籤學雅博乎王謨帝典人  
誇寶器名殊重乎商鼎周彝借妙手而濟鹽梅寓  
仁心而司憲紀蓮幙秋霜盡洗沉冤之怨氣棘林  
夜雨不聞哭泣之悲聲囹圄空虛閭閻安堵釀平  
和而登至理鶴舞琴邊宜振肅而整丰裁驄行關  
下某才鮮寸長情耽五斗仙標得挹皎如玉樹臨  
風孺慕孔殷恍若丹葵向日快芳隣之接壤謂能  
永託併懔愧萍跡之隨流無奈久稽剡牘茲專肅  
下竊效披丹倘不鄙于記曹實與涵于相度

鹽梅尚書若和羹用汝作鹽梅  
禮注樹棘以為位者取其赤心而外刺  
屈原卜居尺有所短十有所長  
滕王閣序非謝家之寶樹接孟氏之芳隣

候金谿白明府兼謝惠扁代竹虞邦譽

伏以花院鳴絃風細鶯聲懸自合楓宸飛鳥月明  
鳧影望來清民仰卿雲官分郎宿恭惟台臺毗陵  
嶽望汝水巖瞻淡墨淋漓已向九霄題出御烟浮  
動看分兩袖携來甫謝公車遂出宰縣香浮墨綬  
重來天上玉蟾彩綉青衫再見風流司馬午衙欲  
散揮毫染宦嶽之雲夜戶重扁稟節湛金谿之月

黃紬被底佳咏堪賡碧紗籠中芳名旋覆某繩樞  
 賤子編戶餘氓猥廁儒紳摠屬鴻恩之下窵濫糜  
 公廩敢云駑步之前驅方弛行李以息肩遂獲識  
 荆而拜手玄纁載錫芳儀重損於公門華袞榮褒  
 豐扁更傳於子舍烜詞華之炳煜昭回雲漢之章  
 敷文采以陸離錯出珠璣之字光騰四壁色動一  
 門施已竝於天高祗難報德感遂同乎日永遽易  
 忘恩有懷效雀口之啣無物作鵝毛之獻三薰宣  
 祝聊申通候之常儀百頌呈詞謬附輸忱之薄賦

物誠涼矣心實熱焉花信布春風消息早傳於天  
 上芝函迎曉日除音夕下於雲間

邵宿漢館陶公主為子求郎明帝不許止賜錢  
 十萬緡謂將臣曰郎官上應列宿苟非其人民  
 受其殃淡墨據言進士榜粘黃紙四張以淡  
 墨氈書禮部貢院四字于榜首賈公談錄季紆  
 侍郎放舉人榜命吏書榜未及填禮部貢院字  
 得疾令史士昶亦善書令終其事值昶醉以氈  
 筆染不能加墨迨明方覺字體濃淡相間反致  
 其妍自後遂為故事出宰縣韓詩出宰山  
 縣譜書松竹林蕭條拍末事邂逅得初心王  
 蟾白玉蟾字如晦本葛長庚也世為閩人以祖  
 任瓊州之日生自號海瓊子好飲不見其醉博  
 洽群書作文未嘗起草善篆隸妙寫梅竹嘗遊  
 湖上暮墮水舟人甚驚覓之不得達旦已立水  
 面矣青衫司馬唐白居易左遷江州司馬秋

夜聞長安妓女彈琵琶感之因作琵琶行云座  
 中淚者誰最多江州司馬青衫濕黃紬被世  
 傳宋太祖戒救縣令勿於黃紬被底放衙文潞  
 公為榆次縣令嘗題詩縣鼓樓云置向誰樓一  
 任過過多過少不知他如今幸有黃紬被弩出  
 頭來放早衙有不相善者以詩達時相呂文穆  
 意其不事事欲中之公見詩曰此人有害相器  
 雲漢童詩俾彼雲漢為童于天東坡詩手抉雲  
 漢分天章雀口曲齊諧記弘農楊寶勿見黃  
 雀為梟所搏墜于樹下又為螻蟻所噬寶收養  
 羽成積年忽哀鳴繞堂數日乃去後化為黃衣  
 童子御壁來報曰我西王母使者君仁愛救極  
 實感存濟以白環四枚與寶令君子孫世世紫  
 白位登三公當如此環矣寶名位日隆子震震  
 生秉秉生賜賜生彪四世名公李商隱啟孔龜  
 效印未議于酬恩楊雀銜環徒聞于報惠花  
 信春風歲時記白初春至初夏有二十四  
 番風始于梅花終于楝花謂之花信風

候座師孫少宗伯啟

柴寅賓

伏以秩崇北斗特需玉柱以擎天寵渥南宮佇覆  
 金甌而秉軸占泰階之有象仰道脉之彌尊戀劇  
 趨隅慚生疏節恭惟老師閣下兩泐苞精八紘鍾  
 慧正氣凌歷峯之峻轟閎襟滙姚渚之淵源瑞聚  
 鳳麟甲第續父子祖孫之嫩運逢龍馬忠猷演箕  
 裘衣鉢之傳藜火灼絲綸水署漏閒鈴索動芝函  
 親啟沃御爐日未篆烟浮懸冰鑑於胸中自牝牡  
 驪黃悉歸品藻握文樞於掌上舉榘楠杞梓總荷

甄收惟忱恂早結乎主知。俾禮樂益恢乎臣諝。洵  
資良自帝知天心之欲治平。故名世應期見人帝  
之賢。夢卜某。蟪蛄瑣質。樗櫟散材。幸采藥籠。濫入  
宮牆。沾化雨。遇奇車。坂謬隨桃李。拂春風。悉出陶  
鎔。敢忘高厚。况薊門祇別。灑諦借珍。惠蕤隆陪。旬  
遠。棲飽德與醉心。靡極柰。醜司雖已弛。檐而蝟務  
尙自當。較久疏問候之懷。安道擢數之。鑿謹遴一  
介。遙申犬馬之。悰虔貢片芄。紘丐滄溟之。納伏願  
黃麻受命。赤鳥躋榮。道裕彌綸。獨幹斗杓。環帝座。

勲隆變理親扶日轂上天衢。凡忝忭蒙曷勝忻忭。

北斗李固奏陛下有尙書猶天之有北斗。北斗  
為天之喉舌。尙書陛下之喉舌。斟酌元氣。運看  
四時。出納王命。所謂制氣之臣也。泰階黃帝

六符經泰階者天之三階也。三階平則陰陽和  
風雨時。八紘淮南子。東北方之紘曰荒土。東

方之紘曰桑野。東南方之紘曰衆安。南方之紘  
曰反戶。西南方之紘曰炎土。西方之紘曰沃野。瑞應

西北方之紘曰沙所。北方之紘曰委羽。禮記麟

鳳麟格物論。鳳瑞應鳥。太平之世則見。禮記麟  
鳳龜龍謂之四靈。前武紀。周成康時。麟鳳在干

郊藪。歷峰即餘姚。歷山也。舜支庶封此。姚  
渚即姚江。屬餘姚。一名舜江。箕裘衣鉢學記

良治之子必學為喪。良弓之子必學為箕。禪家  
相傳謂之傳衣鉢。邵氏錄唐狀元以下。往謝主

司與主司同科名者。謂之謝衣鉢。范質舉進士  
王文和疑知貢舉。愛其才。以贊十三名。登第謂

質曰君之文宜冠多士屈居十三欲傳老夫衣鉢也質以為美有獻詩云從此廟堂添故事登庸衣鉢亦相傳〔松索動續蘇志〕有唐學士院深嚴非本院人不可遽入雖中使宣事及有文書必先動鈴索立于門外俟小判官出授言訖授院使院使授學士自五代以來其制久廢蘇易簡因召對言上可其奏自是院復置鈴索馬〔牝牡〕列子九方臯善相馬而出于牝牡驪黃之外果天下之良馬也〔品藻漢書〕稱述品藻謂定其差品及文質也〔車坂〕後漢語騏驎困鹽車負而上虞坂見伯樂而長鳴知其識已也〔黃麻〕唐故事中書用黃白二麻為給命重輕之辨其後翰林學士專掌內命選用益重中書所出獨得用黃麻〔赤鳥〕杜祐碑從容鼎位光贊大猷元冕赤鳥在帝左右又見詩餘並見前

擬與樂安陳明府啟

衛池

伏以光搖九陌扶輿劍氣藹豐城風動五雲鄭重  
 鳧靈翔宛葉國資善寶天瑞醇儒恭惟台臺精蘊  
 覃懷秀凝王屋淵源家學三千字禮樂文章於穆  
 聲華五百年嵩行間氣東齊劇邑聖主分花縣之  
 符北海窮鄉黎元愜春臺之望民歌惠政循良績  
 底楓宸君寵徵賢赫奕名排畫省一代鴻猷命世  
 千秋汗簡垂芳某坐擁寒壇情甘苜蓿鱸堂廣席  
 自慙樗櫟之才樸棧多賢式負師模之命賴二天

之有在。不惜帡幪。即四教之無長。可容覆庇。謹裁尺牘。恭奏台垣。待叩崇階。專聆傳約。

至屋山名在河南懷慶府濟源縣山狀如屋故名峯頂曰天壇東曰日精西曰月華北曰天門古松數株皆千百年物  
寒香在河南 文詩才名三十年坐客寒無種類有蘇司業時與

單對。表。王。星。隄。學。三。十。字。歡。樂。文。章。於。此。景。靈。際。空。葉。園。資。善。寶。天。崇。朝。肅。恭。卦。台。臺。計。藍。升。以。光。錫。六。司。共。興。候。屏。儲。豐。滋。風。愷。正。雲。嶺。重。謝。與。樂。安。刺。即。初。婚。

叨選繁庠通候本縣王公啟

陸德龍

伏以帝治天開。循望夙推。手名彥化。樞雷動雄聲。不著于昌辰。方仰斗之惟殷。幸承風之伊邇。歡騰膠序。慶溢蒸黎。恭惟臺下。秀啟湘源。精鍾衡嶽。青藜絢彩。抽鄴藏于甲乙。丙丁赤水。探玄枋孔。秘於閔閩。濂洛金為相。玉為質。呈來江漢。文章麟之角。鳳之毛。式壯天門物色。士類久瞻泰岱。清時特籍。經綸鐸繼。河汾文中。子百年再覲。符分姑孰。王喬鳥千載同飛。鴻才卓劄。江南駿績。遙傳薊北。政成

卷二 七八



上理知河陽。花色繽紛譽燁中朝。聽禁苑鶯聲。迢遞銓衡之倚重。久矣佇觀位陟三槐。垓埏之屬望深哉。行見霖周六服。某虞山散櫟黔水微鯛。片檄捧來。適在福星之地。一羶濫厠。幸徼化日之春。仰紫氣以心馳。望玄杓而神往。特因便羽。先佈候悰。敬矢蚤音。圖鳴雀躍。

赤水探玄。莊子黃帝游于赤水之北。登乎崑崙之丘。而南望還歸遺其玄珠。使人索之而不得。使離珠索之而不得。使喫圻索之而不得也。乃使象罔象罔得之。黃帝曰。異哉。象罔乃可以得之乎。鐸繼河汾。隋書王通龍門人。講道于河汾之間。弟子自遠至者甚衆。累徵不起。或勸出

仕通曰。敝廬足以蔽風雨。薄田足以具食粥。讀書講道足以自樂。不願仕也。及卒。門人謚曰文中子。尚書西人以木鐸狗于路。禹鬻子教以事者。振鐸大鈐。軍法。文事。振木鐸。武事。振金鐸。至七爲杓。

候郭令君

吳明郊

伏以百里絃歌。遙徹長安。而誦化九重。綸命旁求。良牧以調元。且莫可期。問闈具慶。恭惟台臺宗亢。汾陽靈苞。關里詞源。灑蕩揚洙泗之瀾。節槩嶙峋。聳瑯琊之壁。聯捷兩闈。魁儻又歷分三邑。試循良堂。殿清風。噓作嵩山之瑞氣。車隨甘雨。流爲洛水。

啟牘 卷三  
之恩波。吏畏神君。民歌慈母。天下治平第一。吾邦  
原說吳公主。上錫命惟三。此日復稱郭賀。殊為異  
績。交動懽聲。某五斗俗員。一廛陋品。蓬門蒙大庇。  
常懷覆露之仁。芝宇繫遐思。時切瞻雲之念。馳神  
孔邇。疏節良多。茲端庀刺。以通名。而鑒

惘

汾陽唐郭子儀平安文之亂功第一身係天下  
安危者二十年賜號尚父封汾陽王八子四孫  
皆以才顯瞻雲唐狄仁傑嘗赴并州法掾登  
太行山見白雲孤飛泣曰吾親舍其下乃徘徊  
者久之

侯金谿白明府啟

王應登

伏以白雪才名。夙貫楓宸之耳。青天問望。爭騰花  
縣之謠。客每被夫。延接寵溢百朋。士一經其品。題  
價增十倍。皈依恐後。仰止惟勤。恭惟老父母。老宗  
師。台座家在毗陵。胷涵震澤。煙雲飄帝座。玉蟾儂  
骨猶存。衣鉢振香山。司馬門風未墜。一麾出宰兆  
小試於南洲。百里提封。借大賢於東國。衙齋清簡。  
聞琴漱福水之流。聽斷餘閒。染翰墮匡廬之色。治  
行懋臻乎錦堞。姓名行著於金甌。世且倚為鹽梅。

翹。葉。之。臣。修。何。止。於。卓。魯。龔。黃。之。任。不。肖。濫。編。部。  
籍。猥。厠。儒。紳。方。弛。行。李。以。息。肩。遂。獲。識。荆。而。拜。手。  
溫。言。晤。對。能。消。鄙。吝。私。衷。豐。扁。旋。題。光。錫。瓊。瑀。寶。  
字。輝。騰。四。壁。喜。動。一。門。天。際。真。人。屢。塵。秦。淮。之。夢。  
春。風。花。信。聊。憑。郵。督。相。傳。有。懷。未。盡。欲。言。臨。啟。可。  
勝。瞻。注。

香山居易致仕與香山僧如蒲結香火社每  
肩輿往來白衣鳩杖自號香山居士又稱醉吟  
先生鄙吝漢黃憲字叔度陳蕃周舉嘗相謂  
曰旬月間不見黃生鄙吝之私復萌于心矣  
行李左傳魯僖公三十年燭之武見秦伯曰若  
舍鄭以爲東道主行李之往來共其困乏注行

李使人也魯襄公八年鄭及楚平晉責曰君有  
楚命亦不使一箇行李告于寡君注一箇獨使  
也行李行人也孫雲翼云宋馬永卿嬾真子毫  
州祁家極收本朝前輩書帖僕嘗見其家所收  
孫宣公夔書尺有云行李鼎來蓋古之行李乃  
今之行使也然古之行字從山下人人下子作  
岑後人乃轉作李也一箇行李謂一介行使今  
人以行李爲隨行之物失之遠矣天際真人  
莊子上際天天列仙傳老子西游函谷關  
關尹喜曰應有真人度杜詩眉宇真天人

與唐少尹啟 許以忠

伏以持心止水恩波不盡雁滄溟矯足嵩行履跡  
彌高克眼界磅礴清風南國容與蜚譽中天恭惟  
某官三秦秀毓英華兩河惠懷蔀屋春暉大布洵

交感成務之慈。生物相吹戴以息。開仁之澤。蚤訂  
春行露晞。何歆往事。哦松滿縣。花賴佐河陽。百里  
棠重匡。召伯野王解。慍誰能協和。南風鸞鳳呈祥。  
快覩流芳北闕。况同寅。贊和衷之誼。有如吹篪吹  
塤。是清修崇介節之貞。無異惟琴。惟鶴斯民。遵化  
原野質成。惟某義。厠編氓親。猶驕子沐襦。襟之罔  
極。念在慈嚴。虛鳥鳥之無涯。情篤定省。追此盛際。  
修廩。豐菽水之私。敢肅薄將。悉區區潤毛之悃。倘  
希鑒在。曷任光榮。

正水莊子人不鑑于流未而鑑于止水蘇頌行  
裴權卿制惟才是舉方憲止水之明哦松崔  
斯立為藍田丞嘆曰余不負丞而丞負余日對  
二松吟哦其間質成詩大雅虞芮質厥成虞  
芮二國名因爭田數年不決相質于文王入其  
境見行者讓道耕者讓畔遂皆慙愧置所爭田  
為義田注質正成平也謂平其訟也菽水禮  
記子路曰傷哉貧也生無以為養死無以為禮  
也孔子曰啜菽飲水以  
盡其歡斯之謂孝也

候沈泰戎啓

吳明郊

伏以金壇重望七閩兩越共揚威玉節聲蜚九夷  
八蠻咸落膽敬託晨風之翼遙瞻光霽之儀恭惟  
戲下詩書元帥簪笏華宗錦濯宛溪先世文曾誇

太乙劍橫登嶂高樓手可摘星辰單騎淨虜塵寧  
啟汾陽之偉畧九重垂聖眷堪媿定遠之芳名印  
如斗以肘懸令若雷而氣振熊帳笑譚開俎豆甲  
洗天河鯨波恬息汎樓船時登化國閎閎輝聯于  
江左神纓世繼于朝端不佞盟深瓜葛員備榕城  
枏蠶長談曾許轅門而說劍乘駢再出即煩記室  
以飛箋屢思報李維勤無奈勞薪未暇獨抱九迴  
十中夜夢繞干旄崑驅一介于東甌情申涓滴伏  
聖虎脉少鑿蟻衷

晨風詩就彼晨風晨風鷗屬也  
詩危樓高百尺手可摘星辰單騎唐郭子儀  
嘗單騎詣虜營免死示無戰意虜皆拜服漢劉  
表為襄陽刺史宗賊大橫表單騎入宜城計獲  
渠魁斬之而取其衆吏民安靜諸守令聞表威  
名多解印綬去定遠後漢班超字仲升有大  
志家貧為人傭書久勞苦投筆嘆曰大丈夫無  
他志畧猶能效傅介子張騫立功異域以取封  
侯安能久事筆硯間乎後平伏西域封定遠侯  
肝懸顧額謂王敦曰今歲後賊奴取金印如斗  
大係肘後甲洗天河杜詩安得壯士挽天河  
淨洗甲兵常不用天韜文王問散宜生卜伐紂  
吉乎曰不吉將行之日雨輻重車太公進曰是非  
子所知也師行之日雨輻重車是洗濯甲兵也  
瓜葛晉王導共子悅奕棋爭道導曰相與有瓜  
葛那得為爾耶枏風晉王猛少有大志見桓  
溫枏虱而談世務旁若無人說劍莊子有說  
劍篇東坡詩係談空說劍春夢猶橫經勞薪

晉荀勗武帝嘗賜食進飯曰此勞薪灼也問之  
果故車脚焉九迴司馬遷傳腸一日而九迴  
淚兩行而萬點柳詩  
江流曲似九迴腸

寄華亭楊茂才啟

衛池

伏以春暉品彙兩儀偕大造之仁市顧驪黃千里  
增空群之價因承陶鑄宜佩鴻慈恭惟令先太史  
公老師學究天人道隆今古然黎籍甚典秘勲殊  
啟沃聖聰望經筵之於穆甄熏髦儻醉桃李之芳  
菲正襲芸閣之馨倏入泉臺之夢斗山舛望葦露  
興歌念某夙附宮墻荷培成之獨厚逖聞丹旆切

櫛踴之誰先允摘楚些以招魂自恨燕臣之羈旅  
久稽泣暗自媿徬徨聊籍炙雞將宜束草伏乞代  
告少罄微衷臨啟涕零不勝傾注

芸閣文選芸香上延閣陳子昂集持三寸筆終  
入芸香之閣白樂天賦臺有蘭兮閣有芸杜詩  
晚就芸香閣泥存中夢溪筆談古人藏書辟蠹  
用芸香也今人謂之七里香葉類豌豆作  
小叢生其葉至芬香至秋夜間微白如粉汚辟  
蠹殊驗予判昭文館曾得數株于潞公家移植  
秘閣後香草之類大率多異名所謂蘭蓀即今  
菖蒲是也蕙今零陵香是也蒹今白芷是也  
薤露齊田橫死門人為薤露之歌歌曰薤上露  
何易晞明朝還復落云云楚些些語詞宋玉  
招魂語末皆云些故云楚些些雞漢徐穉荐  
舉終不就後荐者死以綿絮漬酒裹炙雞至楚

所奠之不見主人而去東莖郭林宗喪母徐稱往吊之置生芻一束于廬而去宗曰此必徐孺子也詩云生芻一束其人如玉吾無德以當之

與封部朱員外乞單恩詔命啟

衛池

伏以天開昌運哲賢應世生申地薦靈符寶錄陳文自雒寧趨蒸氓立極爰關治教休明恭惟台臺秀蘊荆南雄馳薊北簪紳濟美道德鳴時協屈宋以紉蘭藻績允稱華國接夔龍而步武明良偕企經邦日者聖帝尊親神孫繁胤推恩廣漠錫類千官擴大孝於同人無殊甘露布條風於大有豈擇

窮陬如某也。自分悴郡無良曷敢辱報功之典緣

念畜蕃有主輒枉干侍德之私倘諉此器竅以幘幪

真戴汪洋之納受使芳傳奕劫即幸徵三生不腆

告虔希原鑒內

紉蘭屬屈原離紉秋蘭以為佩兮天有春秋宣公冬大有年注五穀大熟為大有年易大有象曰火在天上大有君子以遏惡揚善順天休命器竅韻會竅病也又器中空史記舜陶河濱器不苦竅皆亦病也

曰火。五。天。土。大。百。其。子。以。豎。與。善。則。天。木。命。  
 公。令。大。百。羊。五。正。燒。大。無。為。大。百。辛。恩。大。百。泉。  
 之。蘭。風。氣。韞。時。林。蘭。以。為。刷。令。天。百。春。迷。宣。  
 吉。夷。帝。恩。望。內。

真。燠。玉。羊。之。際。受。對。其。對。奕。時。明。幸。對。三。坐。不。興。  
 念。畜。蕃。育。生。轉。其。于。對。對。之。水。尚。籍。器。疏。以。泫。對。  
 潔。則。以。其。也。自。公。對。無。身。長。類。氣。時。也。之。典。象。



